


南嶽總勝集

(二)



據國家圖書館藏宋刻本影  
印原書版框高十九·五釐  
米寬十二·六釐米

南嶽摠勝集

宋本  
端方贈  
煥彬先生

南嶽總勝集

世莊年  
胡小  
瑒商

石

石

中卷補  
全註等  
不悉詳

溪山之勝林壑之美人所同好也而於幽人野士常  
獨親焉必志不拘於利欲形不膠於城市養心於清  
靜養氣於澹泊養視聽於寂寞然後山林之觀得其  
真趣閩中道人陳耕叟有焉庵居南嶽紫蓋峯下往  
來七十二峯之間三十餘年心有所慕不勸求訪前  
古異人高僧岳居穴處靈蹤秘跡考其事而紀之所  
歷滋多所獲亦廣遂積而成編名曰總勝集凡嶽山  
之邃隱與夫觀寺之始末古今之題詠有關於勝趣  
者靡不畢錄或謂爲道者修練之要察玄牝觀暈機  
亦暇此耶則將應之曰雖然其編之作非特資於好  
事者尋幽討勝一時登覽之興固有素懷淨緣默存  
真趣按集跡事感今懷昔一旦契其夙心發其雅志  
悟修真之至理躡前人之超然仰山景行魚筌兔蹄  
有在於是則於是編之作庶幾爲知者有取也隆興  
甲申上巳日拙叟序

南嶽總勝集總序

衡嶽之記有尋勝證勝大小二錄勝槩集衡山記皆  
近代好事者編集疏略何多並各執於一隅不能廣  
其登覽故僧作尋勝則道家之事削而不言道作證

勝則僧舍之境闕而不書不惟不究二教之始終抑亦蔽諸峯之殊異至於監嶽廟事揚臨縣尉錢景衍雖併而錄之其十勝槩環竒靈蹤昭著百得三五而已愚因圃暇合前四記廣爲修之刪其重複補其闕略寥寥空山綽有年歲漫峯跨谷未始云勞探勝尋真頗覺志勸搜求內教博採仙經并討舊記斷自三皇已來迄於我宋約數千萬載之間得道真仙凡經涉於南嶽者必爲之纂錄數至四五萬言分爲上中下卷不問觀寺皆考廢興且嶽廟者周秦以前祠在祝融之上禮秩比二公漢唐封以王爵今廟在鍊玉峯下又按衡嶽觀宇洎真仙得道者據前四記並云起於晉太康中爲始則是晉之已前未有宮祠蓋可知矣又詳按黃帝內傳云與西王母於宮中別營仙館又於華山嵩山王屋山泰山衡山終南山及諸洞天皆造王母觀以候神也以今考之蓋緣湮沒既久了無遺迹豈有國家壽山係第三洞天中有四福地上歷千古至晉方建宮觀乎必不然也即今華山南下有古王母觀至今世度女真焚修不輟可以爲證則內傳之言果不妄矣又夏禹王於衡山致齋建清冷宮以安秦虞舜之像即知漢秦以前至於上古

建立宮祠逮真仙棲游者不減於晉唐故舉一二爲標顯尔今則上叙峯巒靈迹嶽祠次之洎歷代帝王傳經受道中叙觀寺興廢兼得道異人高僧嶽中所產靈異下叙唐宋得道異人高僧洎隱逸叙古跋記前後第而踵之年數相參班班可採尋幽賞勝之士爲之司南可乎隆興改元重九日九真洞老圃庵蒼野子陳田夫耕叟

南嶽總勝集卷上



上真記云祝融氏爲赤帝治衡霍山即衡岳也衡岳者五岳之南岳即周官所謂荊州之鎮也又夏書云宛委山也道典云五岳五山各有儲佐昔黃帝遊觀六合徵召神靈見東中西北四岳並有佐命之司惟有南岳峙而無乃與昌宇力牧方明等章詞三天太上使命霍山潛山爲南岳儲君拜青城爲丈人署廬山爲使者令總衡岳以鼎鎮舉德正而爲主儲君者衡嶽之副君也述異誌云南岳者盤古左臂至漢武南巡以南嶽遼遠乃徙其祭於廬江亦承軒轅副義也湘中記云衡山朱陵之靈臺太虛之寶洞上承軫宿銓德鈞物應度璣衡故名衡山下踞離宮攝位火鄉亦帝館其嶺祝融宅其陽故曰南嶽禹貢云荆及

衡陽惟荊州又云南巡至于衡岳

孔注南岳衡山也

爾雅云

霍山爲南岳即衡霍也又五岳經云廬山麻姑山玉笥山洞陽山大圍山九疑山羅浮等山爲之佐命徐靈期南岳記云朱陵洞天名太虛小有之天周迴八百里中有青玉壇光天壇洞靈原洞真墟四福地迴鴈爲首岳麓爲足又五岳真形圖云上有流丹方四十里生芝英南有天津甘泉得飲之長生不死東有玉砂曾青白石英西有崑水北有赤芝自下而上九千七百二十丈東至洞陽西抵白鶴雲陽面其南大圍踞其北西南臨湘川自湘川至長沙七百里東北至長沙二百七十里西距衡陽九十里石鼓乃朱陵之西門青草是衡山之左腋越縣三十里夾道杉松蒼翠不斷雖盛暑不假張蓋其夾籟飄蕭激人耳目道有四亭爲遊人頓息之所其山形勢九向九背應九陽之數觀覽無極實有三十六洞天之第三洞也故冲妙先生李思聰南岳朱陵洞天詩云靈峯七十二巔岼紫蓋芙蓉杳靄間影浸瀟湘盤地脉秀敬羣巘軫插天關真君王冉光千古赤帝璇宮鎮八巒好比碧皇大椿筭萬年松在最高山本隸衡陽至天福五

年始割於長沙郡淳化中衡陽太守成珣復乞附著

衡陽四年方詔依舊隸潭州以便國家祈禱民之轉  
賦則從制置使雷有終之奏請焉

五峯集遺跡



**祝融峯**者昔炎黃之世祝融君游息之所因而名焉  
故廣記云祝融棲息於衡阜者是也融頂形似朱  
雀頭元氣上連熒星太陽炎老君所治其中主夏  
氣長養萬物使丙丁之神行天德使巳午之神正  
地氣萬神常以立夏之日昇此峯入赤石玉闕謁  
炎老君受天玄符各還四方召使百神斬殺惡鬼  
所以佐天地長人物也其衡山君領仙官服朱光  
之袍戴九丹日精之冠佩夜光天真之印乘赤龍  
嶽神姓崇諱嘗徐真人云融頂西南崑池甘泉神  
津之水飲之長生昇仙若君山之酒嵩山之石芝  
昔葫瓢子隱夕陽石室得飲之成道其溪曰夕陽  
溪山高九千七百三十丈在衆峯之北最高嶽之  
絕頂下視衆山如坵垤雖紫蓋雲密等峯亦不可  
侔故盧載詩中一聯云五千里路望皆見七十二  
峯中最髙南有祝融廟峯址存焉舊有光天觀按  
福地誌云係二十二光天壇福地東有息庵乃白  
雲先生延何尊師問道處又有上清院隈崑鑿磬



架險而居昔有隱者號懶翁惟吞符餌茶隱顯  
常建隆末西入華山西有青玉壇係二十一福地  
故洞淵集福地誌詩一絕云玉壇相對壽山高峻  
極長疑壓巨熬住息真人曾隱此洞前親種碧蟠  
桃昔楚靈王時融頂崩獲人皇九首之圖按圖經  
云青玉壇上有仙人行道處迥然孤絕架險而上  
國家修金籙齋畢藏金龍玉簡亦於此處又嶽圖  
經云下有火山芝神農本草云赤芝生衡山  
赤芝即火  
也山芝夜有靈光如飛燭俗呼為聖燈草芝圖云衡  
山有九芝三本生蒲谷在蓮花峯東三本生此壇

下三本生金簡峯東又地理誌云衡山青白壁二

壇

青玉即仙人橋也  
白壁即光天壇也

在此峯尖之上刺天仙如金

字之狀其上廣可數尺亦猶桐栢之金庭句曲之  
金壇也隋易觀為寺即今上封寺是也寺中伽藍  
土地乃道觀之真官土地寺僧或絕於香火即供  
寺之泉源枯涸矣釋氏復以其青玉壇改名羅漢  
行道壇者是也又有仙梨樹湘中記云祝融峯東  
有仙梨大如斗赤如日類萍實也亦猶青城之牡  
丹太華之蓮花羅浮之籠葱竹也又有石髓昔衡  
陽令潘覺見之石裂有紫泥出經云名出五百年

一開流出人得之喫即白日輕舉又有蛟松或變成大蟒魅人不致害拂壇松名矮樹萬年松高不盈丈根幹纒翠恠狀如龍乃

吾皇比壽之松也又有虎跑泉夕陽溪賓日亭

可觀日出

龍王堂定心石把鉢品最勝品夜光品山雷池風淵穴每雨將作陰風怒號自其穴而發故本朝陶弼有登融峯一絕云曾到祝融孤頂上步隨明月宿禪關夜深一陣打窻雨臥聽風雷在半山

此紫蓋峯高五千四百餘丈有紫霞華籠之狀其形如

蓋亦謂之華蓋峯又云小紫蓋者華蓋峯也諸峯

並朝祝融如拱揖之狀獨此峯面南乃朱陵洞天之源向南故也祝融位配火德雖爲五峯之尊上有青玉白璧二福地以掌地仙之司宜卑於洞天也又其形勢宛然南向已故唐杜甫有堽岳詩其略云祝融五峯尊峯峯次低昂紫蓋獨不朝爭長業相望是也湘中記云每天氣澄明有雙鶴徊翔其上今有鶴鳴臺仙茶竈白鶴泉寶露臺夏禹埋寶露窾於此臺下中貯紫金玉膏人得服之長生又方輿記云峯頂有仙人池鵝鵲夜鳴有似更轉東有天寶臺西有紫華臺昔傳待仙得道處又

峭於此煉丹又陳藏器尚先生居之廣植樾樹茶園下有王氏藥堂在翠麓崑山服山芹何首烏年百二十餘後遷永和峯下就靈澗夜樂泉修靈劑也

**雲峯**

高五千三百餘丈南下有雲峯寺西有大禹

崑昔禹王致齋祈真處又有丹雀仙人石室在峯之西北九遇陰晦之夜有仙燈出見跳躍如飛燭或云昔周君紫陽曾嘗丹於此西北有隱真平上有會仙壇在亂峯之中坦然而平周回五七里洞天福地掌職衆真皆較功游息之所常有祥雲覆之峯半有禹碑禹王至此量之高四千一十丈皆蟄蚪之書曩有樵者見石壁有兩虬相交碑上雙睛制手電字石光瑩目不可正視怖畏走之不已此後了無見者亦猶天合之金銀橋北岳之玉櫪古今皆一見也畢田詠禹碑詩一絕云治水功成王業興嘉謨垂世坦然明琰刊蟄蚪猶難識況在深雲隱不呈又有秀木交枝芳草連條黃鳥白猿異響同韻北有流洲岸有白玉牀榻几下有玉砂泉色如丹得飲之昇天西有桃花源因游僧惠光訪此見桃花爛然摘數枝而出人皆訝之引友再訪

了無所有

**石廩峯** 高四千五百餘丈湘中記云其峯聳峙遠望如倉廩之形有石像立門兩傍或暴風雷雨山下居人聞閉石門之聲傳云是朱陵洞天之便門晉時毛景爲衡陽令蠻民咨景曰廩中皆蜜景致齋虔禱親往視之果見遂拜而取餌之昇仙又有餘糧石昔禹王之遺糧所化又南陽道士遊是山登絕谷一云蒲谷而不出 本朝至和中有道人李混融於此採茯苓餌之成仙又荊州記云一名石困於石室中嘗聞誦經之聲又云石困峯在蒲谷之東

謂之小石廩也方輿記云形如倉廩有二戶一開一闔闔者亦有閉鎖之形又湘中記云開則歲險閉則歲豐記云昔劉遺民遊衡山至絕谷遙見二石困隔水不得渡復還遇一叟云夕陽津之東石困中皆仙方上藥劉再往路迷不復至因曰迷津故畢田石廩峯詩略云時雨聞開闔年秋識儉豐又云新陳四時雪啓閉一天風上藥何曾得迷津路罕通者是也上有玉清觀頂有陳真人鍊丹臺鬼栽一作雷泓風穴誦經壇浴丹泉東南大清觀基西有洞陽宮基正東有太初觀基

天柱峯高四千八十餘丈其形如雙柱兩頭端聳百丈九域誌云名山三百六十中有八柱此其六也山下有天柱寺山西北有石室吳大和年有野人李洞崑叟居之自云昔魏夫人植香白芷於此山若人以菖蒲製而服之可以壽同天地但法無大小誠信者得之我往來於此五十餘年今一百一十七歲不晚往青城未逾兩月夜望其居處炎火騰空凌晨山下人往觀之了無所有北有庵址石穴但見亂草冷灰時復有道人採藥於絕頂竟不知居處昔西晉陳興明遇二神人傳道於此峯頂

三五  
五峯之外有六十七峯靈跡雖劣於五峯亦有可觀者今各依五峯所隸次序詳錄于後

朝日峯 昔殷先生誦經負暄朝日之所因而名焉

側刀峯 東有石室慧車子修行處三國時李意期遇之而能遁形隱影逆知人之休咎寓之於陰陽數又有薛幽棲禮斗壇壇周回生尺鱗草一名玉燈臺其葉層層間疊根紫乳紅似杏葉而軟採之不見火忌鐵器爲末人服之不闕忌五辛血腥之類三年而通神延生不老又能乾汞立成馬牙汞爲真寶昔譚峭常採之服方寸匕以助內藥後立化

於蜀山

**惠日峯**昔高僧初憇于此後隋帝詔赴慧日道場又唐高僧久居弥勒庵談論經教該博安辯皈依者盛族也自撰十八高僧傳後赴詔稱旨賜號惠日古曰秦人峯門弟子更今峯名

**碧岩維峯**與煙霞為隣下瞰大明寺當遊山大路觀音峯育王塔比剎其下俯視岳南極目千里

**煙霞峯**

南下打大明寺後有大明塔爛柯峯則有行道壇東有李歎侯端居室顛瓚峯祀上五峯緣

**金簡峯**

昔黃帝受戒經於此今有受經壇黃帝宮黃

三十一

卷之六

一

樂洞乃章詞三天之所東有大禹崑禹王致齋夢蒼水使者南上帝君授金簡玉書因而名之又有斷石源隱真平西南水源有石高數丈闊數丈而中斷其石崖上有石刻字云玉砂之水如乳甘香人得一啜地久天長或人到此惟聞石下有水聲聽左即在右聽右即在左記云若人尋得水源處有一梨樹以石擊手樹仙人自出昔賢題斷石源一絕云一酌丹華享萬齡遊人競訪只聞聲那知坎井埋砂又猶得全家壽幾生東有仙龜崑流丹崖上生珊瑚芝陰晦之夜靈光出見俗呼聖燈也又

曰光明臺

**會仙峯** 昔薛幽棲注靈寶經值雙子辨白先生談玄論五真之神之妙忽香風匝坐瑞氣凝煙雙乃登西臺隱映見赤君乘空而過瞻禮之次忽失所在煙氣遂散下有白雲先生堂

**降真峯** 仙錄云昔炎帝公主致齋祈真感玄君降傳道後數年易形鍊骨同飛昇

**仙巖峯** 下有石嵒高敞容一二百人昔劉根先生於此鍊神朝斗修帝一之道東有醮壇燈具茶鑪就石而成又有風穴長生池懸泉滴瀝嵒間泠泠然音韻如琴亦猶小潛山之聽泉岫嶠之應泉下有仙泓靈草風洞南有大洞是朱陵之東門故曹道冲詩中一聯云長生門戶分明啓大洞煙霞咫尺連是也下有集仙觀丹霞庵基

**芙蓉峯** 帝紀云昔赤精子授顓頊帝微言經於此今有傳經壇咸和中山南見數童子與群白鶴遊翔其上

**靈隱峯** 下有伏虎嵒舊記云廣明末有野人張白醪辟穀日飲渾酒未嘗醒時來往衡陽晝卧石敲洞夜歸嵒中人數見之虎卧嵒前无敢近者或謂之

來往苔云拂地來拂地去頭上插野花每念謂云  
山花頭上插濁酒口中斟醉眼看醒漢忙忙盡喪  
真後亦不知所往樵者見之但破鉢而已虎亦從  
此不來後五年里人見之於成都下有庵宇池塘  
西有張元和尸解處

**碧雲峯**

在此系金臺下

紫金鼎寶  
露卷也

鶴鳴臺西南望雲陽

如潑藍代黑

**樓首峯**

下產雲母金漿銀液舊記云昔武陽洞人遇

野人披髮草衣身毫長寸餘見之而走野人曰吾  
地仙非山鬼知汝至孝不殺物今日相遇亦有分  
我樓此父常服蒼耳今二百餘歲吾教汝服之但  
連拜不已乃指草令視之忽失所在自後服之已  
父力敵百夫壽百餘歲因一日假寐復夢前野人  
乃告兒孫側卧而奄

**靈芝之峯**

唐咸通中有李生野人能琴茶面如顰女常

在荆襄往來長沙父老兒穉時見之狀兒迄今如  
一常謂人曰此山乃至陽之地以一陰為中

中王

宜煉水石之精父服之身輕而炁住腸實而骨堅

是此光明粉

神雲  
母也

吾朝游樓霞暮宿靈芝琴其之

交善女峯西

琴其之友即善聞善女也據  
霞君兒桂林川社反二十里



**華蓋峯** 隋太業中高僧於此修行休糧誦呪服黃  
人問之不言後入蓮華峯而隱南有華蓋院乃華  
蓋君雙子辨修行處又譚峭丹成後孫登壇尸  
解山北多生長生草收之雖久乾甚略以湯沃之  
則青翠如初生若孕婦臨產煎湯飲之即時便下  
又名催生草今他山亦有

**紫霄峯** 下有銓德觀上有駕鶴亭紹尹庵基昔東晉  
丑真人冲昇之日有白雲蒙蔽山谷三日不散後  
門人建白雲堂今在觀內

**喜陽峯** 南下有北帝院基北有田真岩西隣紫霄峯  
亦曰喜王峯今以觀之龍山者非也

**赤帝峯** 古曰煉玉峯上有惠車子尸解處東有趙澗  
石棊盤後有石刻詩識字者不得見傳云三島石  
每島如鍋釜狀下透無之通海

**軫宿峯** 在祝融西南下踞岳祠之北上當軫宿下臨  
已地漢天師第七代孫獲天書之所後隱蜀山峯  
之北隱密處多生地不容草採取汁同雄黃末調  
服之大解蛇傷以其滓傳之傷處雖蝮蛇五步至  
毒亦不加害蛇藥尤多其効至速不出此草况朱  
陵是注生之府遷善之鄉雖山內外三百餘里有

毒蟲猛獸亦不傷人地氣融和水甘土美居之者  
不假所修亦能長壽而得善終蓋亦壽山之陰也  
**柿蒂峯**下有靈源源響而不見水但聞石間泠泠然  
如人共語亦猶牢山之聽石萬歲山之話石下涌  
靈壽澗淵之深陰崑崙中多生靈壽木枝柯皆對  
節或如品字者人採之為拄杖又曰萬歲藤

**靈應峯**昔鄧郁之字元達南陽新野人有祛邪馘毒  
治病之符印救無不愈因採藥夜宿石穴夢神人  
曰汝有功將徵召宜應時衆仙候汝覺而驚喜於  
天監初臺司奏少微星見長沙分勅監軍採訪記  
之後煉丹成而遷前洞果衆真會而迎之同昇周  
靜真因立名也

**瑰霄峯**昔齊張司空謁融頂曰登此峯宴坐久之環  
眺羣峯見陰氣太盛浮屠之舍比鱗遙觀大江之  
南祥煙瑞霧繚繞亘天隱隱數峯高插雲漢謂左  
右曰此非紫鱗乎遂領家南渡山之西有長髮草  
最多凡折一莖其中皆如細絲毫毛不見火為末  
以清油搽頭上可令髮長又有金露盤生幽陰處  
採之頓黑闇所隱隱有光亦經半年不乾仙方內  
載此草通靈亦罕有用者杏葉金線不及之

**石困峯**有二石形圓中有石室在幽谷之上採藥人嘗聞室中有誦經之聲又有石乳得餌之長生或云石困附石廩峯東有大清觀基在玉清觀之東北今無考據有基址舊有庵宇

**香爐峯**南下有寶勝寺上有紫蓋院基仙茶窻乃傳待仙煉丹處

**日蓋峯**左瞰聖壽華嚴右眄南臺天柱

**女善峯**昔有一女垂髮至腰身上毛長寸餘綠色人嘗見之問云善因呼之善女或見在蒼閣峯與道人李遐周為琴瑟之友

**藥簪峯**下有南嶽書院李泌張九齡常談論於此故得其名南下有衡岳寺

**吐霧巾子二峯**與白馬峯相連並是本縣王山峯頂吐霧與雲密相應境內定雨常時不差下有白龍洞北有仰天臺神廟屋基亦有庵宇僧道居之

**白馬峯**按山海經云昔夏禹於此殺白馬祭天仰天而嘯夢繡衣童子自稱蒼水女夷使者授金簡王文因而名焉又曰仰天臺拾遺云昔紫虛元君篆符逐白龍之所今俗呼白龍洞但有神龍廟上有庵宇僧道居之

馬鞍峯在平野大路之南並無佳致

彌勒峯唐有道者遊南岳葺隋高僧智穎舊庵而住自云彌勒通博三教衣衫不檢好睡後應詔不回土人因稱彌勒已上二十七峯係屬紫蓋所隸

碧鴛鴦峯在九真洞北唐末有王先生亦不知其所修卜庵於峯南因覽五峯形勢殊異清煙瑞氣蔽於山崑芳卉仙葩映於溪谷信山記云秋實冬根之藥春三夏五之苗有之矣予平昔所得之秘將成於此乎乃令山童採五峯靈草卓壇劍步星罡按周天調水火煉三素丹大藥延年輕舉小藥濟世沈痾久而聲流帝都奉詔迂中岳以便修問

白雲峯西有白雲寺下有龍潭神龍出入靈感人帶董茹者不敢近之乃朱陵洞天之東便門也與前洞斷石源相通下有白雲洞

高竒峽峙二峯屬湘潭界去南岳數舍之地並無佳致有寺亦不係岳境

靈麓峯

即岳麓也

在潭州湘水之西係二十洞真墟福地

故詩云玉洞仙壇長冷落真墟巖竇色常新可憐城裏悠悠者不識瀟湘四季春湘中記云中有袍黃洞下有洞真觀乃東晉鄒郁之修內外丹處後

昇真於南岳每歲至秋仙鶴常集於洞口至今不  
絕我朝任擘詩云得道真仙去不回空遺宮殿起  
崔嵬千年勝地多殊感群鶴翔飛歲歲來 本朝  
改賜景德 徽廟朝改爲岳麓萬壽宮左右有道  
林古麓二禪寺昔賢詩中一聯云雲藏一福地路  
隔兩禪林是也唐軒轅弼明嘗隱于此嶽麓書院  
則居其中 本朝祥符年有秀水黎白於此遇道  
士張抱黃傳內八卦繫辟修之成道山無禽雀洞  
有礮石東有丑真崑西有舍利塔道鄉臺漢皇廟  
白鶴泉風雩亭皆佳致也又有跛仙遇呂洞賓同  
來往洞中數過城下人不測之 已上五峯係屬雲笈

卷之十

十八

**石榴峯** 南下有洞門觀基北有夕陽溪夕陽崑倒洞  
北下有迷津昔人尋藥路迷但見榴花如火行至  
滿谷而遇老叟把石榴花告曰仙藥不遠言訖不  
見人後反洞陽宮言於道友皆訝之又咀榴花而  
休糧不知其終又南下有避秦人惠雍真人水假  
處人呼張翁潭

**丹霞峯** 古應相峯也齊楮伯玉字元璩隱南山十餘  
年妙該術解採煉吐納夜有神人告齊高祖曰南  
嶽有異人與陛下祈福因採訪詔之不起後端午

夜夢見煉丹帝曰此仙伯也先君曾詔不赴因詔  
吳會二郡以禮資遣勃建太平觀遷瀑布山下門  
人王僧鎮名曰應相

**白石峯**與應相峯重疊下舊有庵宇

**永恭峯**古曰朝真峯東有古窟窟基南有古寺基龍真  
澗上有殺先生朝斗基址石格隱室

**九女峯**或云舊有九女廟今西北見有九子崑並無  
文可出

**雲龍峯**西下有西真觀基道錄云西漢蜀青城山道  
士王谷神皮玄耀修真之所後唐有董奉先繼之  
修行復入衡陽尋真觀今存誦經石泊石像真人  
北有雲龍寺基

**雙石峯**下有雙峯能仁二寺北有瀑布玉虹亭楚安  
寺拾穗崑

**明月峯**在雙石東北有承天梵天寧二寺

**青岑峯**下有東林西林二寺

**普賢峯**東北有石室以休爲名唐高僧鬚髮鬍鬚  
居之並無煙火器具人有詰之但云休休僅七十  
餘年壽百數十歲或云曾遇宋宗炳傳道而不食  
舊記云下有普賢觀道衆皆十方盛德之士講論

幽微聲聞上國奉詔賜普賢額蕪莊田以備焚修  
峯因觀得名 本朝賜冲真爲額

**响樓峯** 南下有法輪寺後有仙王殿雷洞妙喜洞道  
人亭韓愈詠禹碑略云道人獨上偶見之者是也  
徐靈期衡山記云雲密峯下有馮治水碑皆科蚪文  
字碑下有石壇流水縈之最爲勝絕今法輪寺有  
道人亭傳云昔有道人見之於响樓後韓文公有  
是句今兩出之

**會善峯** 古曰毛女峯下有會善寺乃十八高僧相會  
處最爲禪悅講習之所因更其名

**智聖峯** 昔高僧希道遊南岳遍尋方廣寺訪慧海尊  
者經年了無蹤迹忽一日見精舍號方廣遇尊者  
詰之來遲一宿送出人屋並亡了無所有因以名  
之又房曰茨先生三時修玄白之法於此辟穀被  
山魃所惱因遷九疑山尸解又有祝融寺僧於此  
處抄化五百副供噐約施主訪山寺或曰遍遊並  
云名跡至暮望融頂之西隱然精舍見化主云何  
來晚待之甚厚遊西軒有服黃衣貴人假寢僧曰  
聖帝也避喧穢憇此洎送出門了無所有但荒山  
而已

**蓮華峯** 下有方廣寺八山四水周圍環匝昔人題詩略云寺在蓮花裏群峯附花葉又范寬見一聯云寺藏螺髻頂人在藕花心北有靈轍源車轍迹記云昔羅漢居此鬼神運糧車轍道也東望芭蕉庵乃宋高僧宗炳修行之所北有靈源塔

**天堂峯** 東有石室殷景童禮斗石定志合龍自種柴葫勝於出處又草衣和尚曰定石後遷妙高峯結草爲衣因而呼之其草莖兩兩相纏如條有垂頭名曰羅漢條自天堂潛聖出竇中多生昔傳待仙嘗採之以結朱朮作丹頭因曰仙人條故丹房錄中詩一聯云崑前收綠索火內伏丹砂是也其草自崑而垂亦曰垂崑草昔人詠羅漢條詩云五百移栖絕洞深空留轍迹香難尋綠絲條帶何人施長到春來挂蒲林

**祥光峯** 古曰鶴鳴北有靈田一云靈原靈穴舊集云蕭靈護容丹於此端拱初常有丹光出如飛燭豫章道士遊山密有所感誠志求之不遇後有一卒到此山於靈穴獲道經數卷外貨之

**回鴈峯** 在衡州城南按圖經云是南岳之首鴈到此而止不過南矣遇春復回北故月令云鴈北鄉者



是也杜荀鶴有泛瀟湘詩中一聯云猿到夜深啼  
岳麓鴈知春近別衡陽南有戲魚洲合江亭龐居  
士無生庵景德觀舊有石鼓寺今石鼓書院即寺  
之故基也又有鴈掌使者事具下卷

已上十七峯  
係石廩所隸

**彌陀峯**東北有崑虛險而暗室前數步不容足古木  
恠藤蔭蔽闕無人跡舊記云昔人嘗聞誦經聲傳  
云有高僧居崑不食念彌陀佛號朝廷徵不起後  
得道因號彌陀峯下有彌陀寺賜般舟道場

**屏障峯**在天堂之東上有煉丹壇朝斗石

**永和峯**上有永和臺舊傳有觀寺二基

**耆闍黎**謂山形像與天竺國耆闍無異故名之西北  
有庵品基址尚存舊記云昔有善女不知何氏入  
問之但斂袂而悅稱善因呼善女或曰善姑常誦  
黃庭經自云琴瑟寓樂有李生著寬中柔外元田  
走馬逢人常言之而稱善後亦不知所往李遐周  
云善女峯西下有翠塢有契沆大長老塔

**靈藥峯**東北有石室蕭靈護洞真集云修丹之士欲  
採靈藥異草以製煉丹石者此山中外五七里大  
約十數本皆仙品上藥他山雖曠迥崑壑幽深較  
之靈草不及此山昔新野先生丹材漸備所患一

二難討與徐君周游三湘因復南山此峯採藥後  
丹成因而名之

**碧岫峯**下有岫峯寺基西北有西臺觀基又曰太初  
觀也無文可據舊自有庵宇

**安上峯**西南有止觀寺攝授寺安樂寺靈岳故基趙  
季西書齋墨沼皆在前後有舜廟舜溪舜洞昔舜  
因陟方九疑過此

**靈禽峯**北有梁雙龍祖朝斗壇唐薛幽棲亦於此壇  
尋真祈感周回古木參天長林蒼蔚上有音書之  
鳥成羣而飛羽毛異色紅碧相間其音如笙管上下  
下相和而鳴常棲此峯因而名焉

**鳳凰峯**昔祝融君登南岳謁玄君感碧雞鳳凰集于  
此峯山上生竹實古詩云文鳳集南岳徘徊孤竹  
根於心有不厭奮翅凌紫雲豈不曾辛苦蓋與黃  
雀群何時嘗來儀順于聖明君又馮勣賦曰惟梧  
栢之所生兮在衡山之峻坡記云上有峻坡而生  
梧桐朱鳥薦瑞故來儀焉

**文殊峯**昔唐宣宗太子慕道自霍之衡巡禮古迹道  
場至峻坡西望見金色瑞相見半空敬禮啓白云  
七佛祖師後閻弥陀和尚曰文殊菩薩因名之

**鐮鉢峯**

上有定心石下有隱身崑崙虎跑卓錫二泉觀音馬祖二庵八功德水三生藏藏心亭堯率橋皆列於前後左右隸福巖寺傳云百思大和尚擲鉢乘之赴陳主之詔因而名之

**瑞應峯**

上有大木根柯蹒跚隆起如龜狀驟見者可

憚因建壽星殿以為祝聖之所下有南臺寺一

**雲居寺**

下有雲居寺石橋疑碧玉金牛路退道坡與

南臺比隣當遊山之大路也已上十三峯係隸天柱

嶽有一洞天

南嶽衡山第三洞朱陵太虛小有之天

嶽有四福地

洞真墟福地

在岳麓第二十

青玉壇福地

第十二

光天壇福地

第十二

洞靈源福地

第十二

二境

白雲峯之西青峯峯之東其形九向謂之聖境

聖謂朱

朝日峯之北岫嶠峯之南其形九背謂之靈境

靈謂之

三澗

靈澗通於仙源而多仙藥因得其名舊曰龍真出天

柱峯下黃庭觀南合壽澗流注平野以滋禾田

壽澗水源最高聖壽觀因其名出紫雲峯西下野

人品經梵苑下至觀前合注島石經嶽祠靈壽椿  
合流靈澗以滋禾田

洞真澗通接朱陵洞府水勢懸注如簾亦由水簾洞  
其源最高與諸峯齊出此紫蓋峯東祝融之南至洞  
靈源下會真觀流注平野以滋禾田

六源

斷石源

桃花源

洞靈源

靈源

靈轍源

大水源

六門

大洞

洞天

兜率潭

洞天

石鼓洞

洞天

龍王山潭

洞天

白雲潭

陳便

洞門觀

西便

九溪

舜溪

禹溪

清溪

明溪

雙溪

洎溪

宏溪

雲溪

女陽溪

十五洞

朱陵洞

黃樂洞

舜洞

白雲洞

西明洞

觀音洞

壘相洞

前洞

玉清洞

九真洞

妙喜洞

靈境洞

寶真洞

羅漢後洞

倒洞

十六臺

朱陵臺

天寶真臺

放鸞臺

般舟臺

般若臺

南臺

高臺

洞靈臺

七寶臺

尋真臺

仰天臺

永和臺

紫金臺

又曰寶露

天香臺

凌虛臺

西臺

十四塔

釋迦舍利塔

阿育王塔

三生塔

文殊塔

靈源塔

觀音塔

二生塔

石頭塔

禪林塔

大明塔

懶瓚塔

拾穗塔

聖塔

契沆塔

二十三壇

青玉壇

光天壇

赤松壇

禮斗壇

昇天壇

降真壇

朝真壇

傳經壇

飛流壇

行道壇

朝天壇

孫登壇

煉真壇

祭外壇

誦經壇

會仙壇

受戒壇

煉丹壇

講經壇

三十八山

黃帝山

大禹山

丹霍山

避秦山

上清山

劉真山

靈書山

隱身山

仙竈山

野人山

鍊丹山

醮斗山

負喧崑

夕陽崑

控豹崑

嬾瓚崑

把鉞崑

觀音崑

白鶴崑

休崑

夜光崑

最勝崑

搗藥崑

休糧崑

龜崑

田真崑

伏虎崑

廣成崑

石乳崑

下崑

孔雀崑

草衣崑

飛符崑

誦經崑

上崑

靈崑

拾穗崑

宴仙崑

二十五泉

玉砂泉

鶴鳴泉

觀音泉

夢應泉

甘泉

虎跑泉

夜樂泉

得道泉

浴丹泉

普容泉

懸泉

金砂泉

白鶴泉

卓錫泉

靈泉

洗藥泉

白龜泉

雷霆泉

安樂泉

蒼龍泉

一酌泉

九池

仙人池

長生池

浴丹池

法雨池

洗鉢池

雷池

洗藥池

八堂

白雲先生藥堂

王氏藥堂

陳先生丹堂

王先生煉丹堂

荆臺隱士經堂

李泌相公書堂

韋宙相公書堂

盧璠舍人書堂

今壽祺觀是也

叙嶽祠

嶽廟在紫雲峯南下喜陽峯之西集賢峯之東吐霧  
面其南軫宿踞其北周圍二二里約八百餘間千杉  
翠擁萬瓦煙生一水三朝群峯四合靈壽澗水九湍  
三疊下注島石遶赤帝峯分枝東流入廟內雞鳴池  
出樞星門外護龍池西流合入澗分注平野本名司  
天霍王廟以南方屬火配神曰祝融按五岳經云南  
岳山形似朱雀太陽炎老君所治元炁上連熒星炎  
老君以理其中主夏炁長養萬物使丙丁之神行天  
德使巳午之神正地炁萬神常以立夏之日升此山  
入赤石王闕謁炎老君受天玄符各還四方召使百  
神斬殺惡鬼所以佐天地長人物也其衡山君領仙  
官服朱光之袍戴九丹日精之冠佩夜光天真之印  
乘赤龍岳神姓崇諱嵩嘗後至三皇溥朴既分漸有所  
治付之於地下主者炎帝甲理之唐司馬天師云岳  
神乃地下主者非天真也太上以德董南岳昔黃帝  
登封日岳神遊歷巡狩至秦隋氏以王為像唐開元  
九年方封司天王今象笏尚存開平初府主重修飾

廟貌本在祝融峯上隋氏遷下便於祭祀卜古太真觀而建今據祝融峯之左基址存焉 本朝 真宗皇帝祥符中始封崇五嶽乃命工部侍郎薛公映給事中錢公惟仍賁玉冊加號司天昭聖帝其妃景明皇后今玉簡尺有五文以金字聯以金繩覆以錦囊絳服袞冕鈿珮掖衛皆法宸居

玉冊文

禮部侍郎丁謂撰

鎮南殿以尊奉司天昭聖帝內殿門外西設四嶽聖帝神座前列六丞相東奉安 玉清上真九位醮牌西奉安 皇帝壽星位殿東西列侍讀四學士東西廟設諸星宿醮牌蕃禧殿以尊奉 司天昭聖帝景明聖后皆御服幘頭冠帔殿內兩側設東西寢帳粧奩梳洗之屬外東太子殿建炎中並封侯爵曰世德侯世烈侯世顯侯西公主殿奉安三位公主三十六宮計屋六十六間東西各有門周迴壁畫宮嬪乃國初武岳筆至政和八年丹青塵晦乃修飾之靈貺門乃廟之北門又曰兵門有神樟一株九啓告請兵必開此門非時並鎖閑遇有請禱皆獲感應紹興元年十月二十四日帥臣向子諲祭告文在殿側鎮南殿東序設十學士朝儀像有政和七年轉運副使聶山修聖



像記碑東香火門三間廊十七間塑慈惠官設儀仗  
畫扃從威儀右政和丙午修玉冊轉運副使聶山立  
庭下奉神述乃 真宗皇帝大中祥符四年御製  
書奉神述休佑門三間有天禧三年 御製醮告汾  
陰禮畢廊十六間畫百官像鎮南殿西序亦設十學  
士塑像西香火門三間廊十七間塑華官設儀衛仗  
物壁畫扃從威儀庭下玉冊碑亭

真宗皇帝上 帝徽号冊文玉冊金冊寶匣紹興元  
年三月內孔彥舟盜毀不存此文元祐元年六月十  
日監官黃安期刊石順成門三間有乾德三年潭州

三九

卷之十一

三十一

修廟記碑兵部郎中賈玘撰帥臣潘美立廊十六間  
畫百官像鎮南殿前一龕龕燈一座前廣西提舉呂渭  
建捨然燈唐楚王捨鐵盆露臺封亭塑壁樂部百戲  
神像乃蕭牆也鎮南門五間有篆書南嶽二字轉運  
判官文勛篆雄偉勁淨為世所珍東華門西華門并  
廊七間有塑畫儀衛兵馬像南海廣利王殿江瀆源  
王殿東西便門廊各十四間畫神儀仗雷雨部衆  
東廊外有滴漏雞鳴池銅壺漏箭景樂等次北有清  
齋宮前有九紫八白堂前刊岳山圖碑祭儀碑禁斫  
山碑唐咸通記異碑折參政謁南岳廟詩碑解穢石

朝廷遣使醮告致齋於此北有神厨門之南監生太  
保位逐月造酌獻祭食次北有蒼龍井東壁列東岳  
聖帝殿東門侍郎堂天竺首君殿地府君殿司命君殿  
北岳聖帝殿龍王堂廟西廊外有神庫倉庫廳共二  
十間中庭有金砂井西壁列西岳聖帝殿南門侍郎  
堂南方七宿殿司錄君殿中岳聖帝殿西門侍郎堂  
忠靖王殿王姓張氏按吳致堯碑云王諱扞唐天寶  
間家于滑之白馬一云鄧州南陽任俠尚氣置金鎗  
袖中以擊不平者安史之難張巡許遠提孤軍守睢  
陽築臺募死士得南霽雲以爲將因之師於賀蘭淮  
明進明弗許二人誓云以斷指爲信死爲岳瀆厲鬼  
不放進明逾月皆死王夢其家曰吾得請於帝矣命  
輔南岳爲司徒王諱傳記不一或諱翼或又或軫或  
巡或稱五代時人今止取臨淮棄指亭爲實 本朝  
政和二年徭人黃安俊作亂辰州祈禱感應申奏  
勅封靈祐侯八年因沅州賊潘宗嵩作過奏請加封  
佑順靈顯公建炎初潭州奏請特封忠靖王告在本  
廟昭烈廟額在衡山縣行宮近又封威顯王五通殿  
土地堂嘉應門五間門裏西設鼓司神二尊門外修  
廟碑熙寧三年諫議大夫燕度立節度推官吳居厚

撰門下有準令下馬亭東有左掖門西有右掖門東  
西廊二十六間壁畫甲馬兵七鬼神像之東西南北  
各有角樓東北碑樓大宋新修南嶽司天王廟碑翰  
林學士李昉奉 勅撰景德三年二月二十五日立  
樓上懸鐵鐘一座紹興十二年文仁縣百姓捨東南  
碑樓大宋南嶽司天昭聖帝碑翰林學士李宗諤奉  
勅撰大中祥符八年九月一日立西北碑樓大宋重  
修南嶽司天王碑翰林學士蘇易簡奉 勅撰待詔  
黃識篆碑陰有楷書樓上有衙鼓一端拱二年六月  
五日立西南碑樓大宋新修司天五碑右司諫晁迥  
奉 勅撰景德二年七月六日立樞星門三間東西  
有水池火池前有護龍池次北有監官廨宇前有司  
房客位嘉應門之東有監廟廨宇其次有小東門靈  
貺門有北門侍郎廟紹興五年四月一日准 勅封  
顯助侯廟湖南安撫向子諱修致祭文碑庭下有雷  
先鋒神位祈禱靈應嶽廟惟立夏節謂之大祭前期  
收買物料置造 御衣幘頭至祭日內降 御名祝  
版本州委通判或以次官充初獻官知縣丞簿本廟  
官攝亞獻終獻太祝奉禮兵八之後止是本州差官  
祭祀法服孔彥舟劫掠不存止用公裳祭前一曰獻

官畢集點饌訖次詣蕃禧殿更換

神御僕頭兩

搭架

御衣次日五更三點獻官諸執事人畢集

祭陳幣帛獻玉圭讀祝獻迎帝曲五福降中央三

獻蘇合香皇帝炎四朶子焚錢幣奏引駕行五曲其

樂云自唐開元時用此樂惟岳下及衡山縣樂工能

之茶陵軍炎帝廟亦用五曲其音和暢踈緩宣和元

年嘗賜大晟樂遭賊馬毀壞不復用之近歲紹興未

值回祿宮殿廊宇焚至五六分五年重葺方始周備

紹興三十年資政殿學士知潭州魏良臣撰奉安青

詞碑

景定辛酉四月三十夜遭回祿正殿後宮殆盡推存三  
門散廊而已

### 叙歷代帝王真仙受道

集記自昔帝王真仙精思豈谷澄神靜慮焚蘭鼓叩  
洎掌職宴息而經游者不可勝數其得道本末並載  
諸書悉皆秘之名山散漫難窮然非于南嶽者不可  
得而記錄今叙峰巒靈跡之外較其朝代可冠群真  
之首者炎帝時太上号大成子授甲元精經教理世  
以化生之道播百穀以代烹殺和百藥以救百病嘗  
五木而登五穀以活民命止殺禽獸功成厭世頓駕  
茶墟致齋南嶽以祈通真感雨師玄君玄君即赤帝君  
事為玄君  
教煉水玉之法入火自焚而不熱後玄化於朱陽之

野太上以德正而鎮炎方主司南嶽其帝女公主亦慕道禮玄君為師後道成亦同飛昇於九關

祝融時太上号廣壽子傳按摩通精經教以安神之道今峯頂有基址存焉

黃帝內傳云捨離宮別館三百餘所為道觀又於五嶽各置觀或云南嶽西華觀即古之太真觀為西王母所建以候神也各度道士五十餘人焚修與民祈福乃知南嶽觀宇始自黃帝次於夏禹有之也

帝紀云昔顓頊時太上升為帝師号赤精子居衡山授帝微言經教以忠順之道鑄羽山之銅為寶鼎淘七河之津伏萬靈以信順監衆神以導物役御百炁周旋四方故德号文帝也

帝紀云昔高辛詣鍾山遇神人獲九變十化經以隱日遁月遊行星辰而謂之曰吾於

帝時浮游元氣

之中為元君炎帝時為兩師曰玄君在黃帝時号赤松子又領南上注生之籍曰赤君即太虛真人九天赤帝君居南辰以應瑞處玄府以甦生今以掌職南岳總司萬靈日月之所照山川之所履莫不隸之焉

帝皆禮之忽失所在而後玉子行之尸解於海山

上清四極明科神仙傳云赤帝玉司君諱景度衣絳

華丹衣九色鳳章頭戴太元飛神王符冠手執九色  
之節治南朱陽之臺洞天太元都女青左宮領南嶽  
衡山仙官地靈火精赤丙之兵南極无崖之天無鞅  
數劫無極無窮之宮總統上真之權悉隸赤帝玉司  
君上人生死之命籍知其諱存其神修行九年致神  
草玉英不死之藥丹霞飛雲下迎兆身而上昇玉清  
帝紀云昔虞舜時老君下爲師号尹壽子傳帝舜道  
德經說孝悌之道帝行之功被生靈竄三苗過洞庭  
巡狩南岳起館以望日遷甘露寶光於山上致齋南  
宮以祀炎帝服紫華之腹而陟方九疑

真誥比戎長胡大王獻帝乃白琅之膏及轉紫華服  
之使人長生飛仙與天相畢舜即服之尸解於蒼梧  
之野又云虞舜巡狩南岳至於九疑遇何仙服神丹  
而得尸解

王氏神仙傳舜降於九疑山黃庭觀謂女真王妙相  
曰精專至道長生之階也吾乃帝舜尔昔勞厭萬國  
因狩南岳祀祝融而居此汝志勤苦故來相省道不  
負人修之必得况有天骨耶

又堯嘗以黃帝瑪瑙瓊寶器以賜舜南巡遷寶器於  
南嶽禹藏之於天寶臺西勅地祇守之

仙錄昔禹王致齋衡岳感蒼水使者授金簡玉書三  
五之要陰助王理水禹建清冷宮奉安虞舜之像度  
道士焚修穆天子傳穆王得八駿巡狩捨行宮三百  
餘所爲道觀今南嶽有西臺觀基是也

秦始皇好道尋方士出遊雲夢泛洞庭巡狩南岳望  
山而感數今山北有祠舜帝於九疑風浪滔天浮江  
而下渡梅渚過丹陽陟會稽祀禹王於東海望徐福

於蓬萊

漢武帝南巡爲衡阜遼絕止霍山而祭勅建王母觀  
於南嶽今碧岫峯後有基址或云創寺不久亦廢

又惠車子者不知何氏修三奔七曜之道與嚴君平  
友善數遊三湘又棲南岳尸解於煉王峯

劉根先生修大洞帝一之道遊官四方爲政有德晚  
歸南岳之東峯煉真朝斗服炁祭神而玄化

王谷神皮玄燿者西漢蜀東城山道士幼而穎悟不  
居榮寵通老莊文列妙於星緯周遊名山渡荆渚泛  
瀟湘至南岳卜庵於金母殿後修胎息還元數年道  
成東遊群玉訪九仙值武帝南巡見之神炁不群乃  
延之下隱於西峯帝厚賜兼封王爲太微先生皮爲  
太素先生以上卿禮待之後三年控碧驟上昇

李鳳仙者東蜀人自幼不語年十八常欲寒棲以避  
臭茹人問之曰知白守黑道貴昏默我師南岳公云  
吾周靈王太子吹簫者也子三生奉道而魔所試由  
功之不著也今授子朱綱之法將昇度南宮吾師淨  
立公授子今付於子子宜勤焉若更遲此生萬劫不  
度吾爲南岳司命侍帝晨又補桐栢真人言訖遂隱  
後行道數年驅役鬼神除害興利一邦仰慕後漢宣  
帝詔不起

洞真集東漢明帝時永光年中吳天目山張道陵遊  
衡山謁青玉光天二壇禮祝融君之祠周覽四極動  
容而言曰異哉此山悠悠野水三朝五折以東傾磊  
磊竒峯後從前參如拱揖三五之君比日受道於此紫  
融瑞氣擁蔽朱陵後十紀之年當爲飛昇羽化之地  
超越於古後泛洞庭遊潛霍而居中岳

真誥昔衡山中有學道者張禮正治明期二人禮正  
以漢末入山服黃菁顏色丁壯年如四十許明期以  
魏末入山服澤瀉栢實丸共正品中後俱受西城王  
君傳虹景丹方從來服此丹已四十年中患丹砂之  
難得俱出廣州爲喪門是滕舍爲刺史之時也遂得  
內外洞徹无騰身輕日行五百里後入九疑山



孫登弃榮位棲遁求仙以致露寢忍凍茹草充飢竊  
求至道感赤君得玉砂膏久之入會稽晉故記云孫登  
居之祝版留之於虎山也

魏夫人者按內傳諱華存字賢安任城人即晉武帝  
左僕射魏舒女夫人天才卓異玄標幽技少讀莊老  
及春秋三傳五經百子事皆淹覽性樂神仙味真慕  
道少服胡麻飯茯苓丸吐納氣液攝生夷靜親戚往  
來一無閔見常欲別居一院獨立閑處父母雖嘉其  
邈異而事非委順數制逼之訓以人禮年二十四強  
適與太保公掾南陽劉乂字幼彥女禮有行時不獲  
已遂爲劉婦不復服食吐納之事一日廢矣然心期  
幽靈啓拉言生明無精神密苦應會棲感疇昔之志存而  
不虧玄理乖初塗未獲遂通逮子息粗立劉氏繼焉  
於是分別房宇離室隔寢深託隱病還修曩尚歲日  
告感研道已勝幼彥爲修武令夫人暫隨之雖同舍  
縣內而隔有重複遂因清閑齋于別室謹修道法入  
室百日所期仙靈精思希感於是季冬之月夜半清  
明忽聞空中有鐘鼓笳籥之響八音嘈囀疑有不常  
出宇望之虛空之中從東而下旌旗紛若羽蓋鬱勃  
雲間光耀幽靄煥朗太無而他人莫聞見也須臾

是方到虎黃玉輿隱輪之車並頓駕來降夫人靜室  
有四真人並年二十餘容兒偉竒天姿秀穎同頂紫  
華蓮冠飛錦衣裳瓊瑤寶帶躡虎文項有圓光于  
把華幡其一人自稱曰我太極真人安慶明也其一  
人曰我東華大神方諸青童君也其一人曰我扶元不  
暘谷神王其一人曰我清虛真人小自天王子至  
也於是夫人匍匐再拜叩頭自搏曰不圖今日道君  
下降惟乞神仙長生度世四真人乃同坐良久王子  
登告夫人曰聞子曩日念善展轉求生密緯真无冤  
和琳清丹懷遠邁錄字上清高契真人抱信期靈幽  
感啓徹潛耀赤城遂金書紫極藏簡玉庭故位德高  
晨玄唱齊井是以天帝君勅我今來教子神真之道  
焉於是夫人受道畢至期約會於陽洛衆真再降令  
夫人託疾尸解騰輪至命訪王屋清虛洞天奉天帝  
君命傳玉扎余文位爲紫虛元君領上真司命主諸  
學道生死圖籍攝御三官閔較罪考又加南嶽夫人  
比秩仙公治大霍山洞臺須臾司命神仙冲寂麻姑  
大仙佐治井南嶽洞天福地仙官靈壇主者官屬並  
至迎夫人於清虛上官頃間至南岳石床望前峯妖  
氣知有精物作竊因書符祛之今仰空室有白龍洞

是也後東晉咸和四年飈輪下迎昇天

仙傳拾遺薛女真者不知何氏人也晉時世弊京邑不寧有道之士多棲寓山林以避世因居南岳山尋真臺外示同塵內修至道常騎白豹遊者聞峯黃鳥白猿不離左右後於雲龍峯尸解

仙傳劉驥之字子驥少尚素質謙和寡欲不修儀操人莫之測好遊山谷志存道逸嘗因採藥至衡岳深入忘反見一澗水水南有二石困一困開一困閉水深湍不能過欲還失路值樵者問津僅得到家或說困中皆仙方上藥諸珍異寶驥之再尋索已失所在

三全甲

卷之二

四十一

一

了然子者遼東人也不顯名氏因遊西蜀二十四治後居太白山出入虎豹馴統亦不知其所修後遊三楚僅百餘年友善者吳猛陸修靜郭璞謝靈運僧惠遠前後相繼庾亮常師之謂曰先生觀諸賢者可以脫於濁世乎曰功有淺深道則一致雖各得其趣未能了然曰先生如何又曰子出此月再謂汝道後亮不逾月卒先生自西山訪南岳謁青玉白壁二壇尋於前洞入洞門訪昌利先生劇飲數日而李前之蜀山先生歸隱前洞宋高僧宗炳訪之不遇

仙傳鄧欽之字彥達隱於南岳洞靈臺夜誦大洞經

上感魏夫人降告之曰君有仙分特來相訪一日忽見三青鳥如鶴鼓舞飛鳴移時方去欲之謂弟子曰青鳥既來朝會至矣遂解化

宋高僧宗炳字少文善書南陽人好山水涉荆巫南登行岳因結宇行山久以疾還江陵歎曰老疾並至名山恐難遍遊當澄懷觀道臥以遊之凡所遊歷皆圖於壁坐卧向之

北齊吾道榮幼而少語不通文常愛獨處因遊南岳遇赤君授符水禁呪縛候之數無不畢備常至遼陽口有虎去焉止十餘步人皆驚走道榮徐以杖劃地成太坑虎遽去

褚伯玉字元璩吳郡錢塘人隱南岳瀑布山妙該術解深覽圖秘採鍊納御靡不必爲齊高祖詔吳會一郡以礼資遣又辟以疾俄而高逝人主追恨乃詔於瀑布山下立太平觀以伯玉好讀太平經兼修其道故爲觀名也又賈自然於此焚修遇南岳真人陳少微字子明而礼之真人曰子之所修吾知之矣將有高真必傳其妙後遇青城丈人降室授九一飛仙之秘白日冲舉

緱仙姑長沙人入道居行山年八十餘容色甚少於

魏夫人仙壇精修香火十餘年子然無侶壇側多虎  
遊者須結伴執噐而入姑隱真其間曾無見畏數年  
後有一青鳥如鳩鵲紅頂長尾飛來所居自語云我  
南岳夫人使也以姑修道精苦獨棲窮林命我爲伴  
他日又言王母姓緱氏乃姑之祖也聞姑修道勤至  
將有真官降而授道但時未至耳宜勉於修勵也每  
有人遊山必青鳥預說其姓字又曰河南緱氏乃王  
母修道之故山也又一日青鳥飛來曰今夕有暴無  
害勿以爲怖也其夕果有十餘僧來毀魏夫人仙壇  
乃一巨石方可丈餘其下尖浮寄他石之上每二人  
推之則搖動人多則硤然而住是夜群僧持火挺刃  
將害仙姑入其室姑在床上而僧不見僧旣出門即  
推壞仙壇轟然有聲山振谷裂謂已顛墜矣而終不  
能動相率奔去及明有至遠村者十人分散九僧爲  
虎所殺其一不共推故免歲餘青鳥語姑遷居他所  
因徙居湘南鳥而隨之而他人未嘗會其語鄭畋自  
承旨學士左遷梧州師事於姑謂畋曰此後四海多  
難不可久居吾將隱九疑矣一日遂去出壙城集  
梁高僧海印大師者首居衡山最上第一推較年代  
卽大同天監之前宜與逵磨相接而爲可公時黃其

居所謂善果道場也師居宴坐禪定百有惱亂一志  
如初後積數年感動天地或薪水自至或饋運幽投  
虎虵遠奔賢貴景慕至陳光天初惠思和尚始自北  
來投詣大師忻然合契由是上石橋別創庵舍高而  
在南故號南臺先是莽榛巨林蒸嵐泄霧虎能嘯萃  
魑魁縱橫泊大師居之恬然安樂非精操峻節其孰  
能鎮伏如此哉始則經庇纒像終則漸崇殿刹或高  
廟躬米潛施負擔或大石磨香轉移造化厥迹著明  
矣又聖堂側有五百羅漢堂至今驗其餘址或云超然  
領衆去遊車田絕不復還遂爲隱化復有求者時聞  
鐘聲嗚呼變化之神示見之相不可測矣後至唐有  
石頭希遷禪師傳法盛冠南方作草庵謔參同契于  
今見在

梁天監中有高僧希道精修梵行默誦教典隱于叢  
林時人莫能知因度夏天台遇惠海尊者朝昏承事  
之未嘗懈怠道欲辭去乞師誨言師云汝戒行無虧  
惟是誦持聲喧衆听汝當於南岳方廣寺爲會道聞  
之駭然然恭知師能通心非常人也及至南岳詢訪  
其寺遠近者舊咸云山中諸寺無有名方廣者道自  
謂至人實語豈欺我哉乃歷岳谷祈見道場一日忍

於七十二峯間遇精舍号方廣寺其地平坦靈泉交  
流鬼神運糧金牛服乘俄見海師出門問曰汝何來  
溼耶造梵鼻歎作禮師曰此五百尊者道場汝未當居  
此汝當居在西北峯頂乃留一宿而去如尊者之言  
結庵其處至大通六年即其庵建方廣寺

陳高僧思大和尚諱惠思武津李氏子生而龍章相  
好肉髻生頂穎脫衆相自得不言之理假修淨梵而  
證圓覺嘗謂衆曰衡山之陽吾往矣因自大蘇山來  
梁元祚短南土紛紜數載之間至山周覽已遍後復  
至梧桐坡上有石岡若臺謂其徒曰吾昔於此修習

三十九

卷之五

四

七

今三生矣約地深淺皆獲骨焉至今有石為識曰吾  
寄此當十年因建般若堂居之闕水師振錫投崖泉  
為湧其徒益廣復不能給感二虎穴一飛流厥運若  
神因一日謂門人曰十年之期到矣以法付吾逝焉  
陳建泰九年六月二十二日儼神而盡弟子靈辨扣  
心感絕師忽謂曰何必是乎為道我也再為說七言  
訖復城春秋六十四始光泰元年丙戌至是丙申歿  
果十年矣後至唐再化為僧名圓澤與僧姓李源同  
二於荆峽南浦為源曰我就王氏婦家投胎為兒順  
我後事約十三年再會杭州天竺寺外果入寂事


畢源回後赴所約自洛至且聞葛游川畔有牧童扣  
牛角而歌曰三生石上舊精魂賞月吟風不拜論漸  
愧情人遠相訪此身雖異性常存呼問澤公健否荅  
曰李公真信士然俗緣未盡更宜修進乃復相見又  
歌曰身前身後事忙忙欲語因緣恐斷腸吳越山川  
尋已徧却回煙棹上瞿塘

隋大業中高僧諱大明吳郡人姓朱氏實江表之鴻  
族也量括山海志堅金石才高獨秀學富多聞煬  
帝居藩請入惠日道場大業十二年勅屈法師還南  
二二餘餘較較告告三十六尺無量壽金像并二菩薩興復龍









南嶽總勝集

(三)



南嶽摠勝集

宋本

南嶽總勝集卷中

叙觀寺

通雅

珍胡

石

王

不悉種  
李姓等  
本音詩

**真君觀**在銓德觀東五十步即九天南上紫光慶華赤帝太虛注生真君之館本真君廟在嶽祠中各廟門唐開元中司馬承禎上言五嶽洞天各有上真所治不可與血食之神同其饗祀聖旨爰創清宮九立夏日先齋潔勅命州官致醮於是觀兼度道士五人焚修開元五年明皇製五靈經云佐治者有九人從吏者三百餘人翊衛衙官三百為國家祈真請福之地上真託云太虛真人領南上司命即赤帝也

潛山魏君冲為副治 霍山韓君歟為佐治

霍林山許君映 丹霍山周君紫陽

金華山黃君初平 南霍山鄭君隱

天柱山阮君徽 紫虛元君魏夫人華存

冲寂元君麻姑

右並君佐命之司吳越楚蜀之地當司察之淳化中始改為真君觀祥符中詔賜觀額開元六年上帝降賜真君驅邪玉七一張其狀類劍長三尺闊四寸玉文如雲霞其端微有鋒刃玉冊一道長一尺餘闊六寸其篆文曰道君之玉冊有兩印文曰三天太上之

印皆篆文或曰舊本玉冊素在真君臂間檀香刻此  
以傳於世玉璽一枚方闊五寸八角其文曰注生真  
君玉印亦篆文今悉存焉或云是司馬天師篆文也  
今朝降到真君火鈴冠一頂以金裹飾潛霍二真君  
玉君主二面並存 太宗 真宗 仁宗 三聖御  
書勅黃存焉大觀二年三月奉旨建 元辰殿乃集  
福殿在觀中前有玉清金闕之門每歲六 生辰及  
春夏二祀皆自京降 御名詞表於此致醮每辰焚  
御香六兩祝 聖壽恩賜紫衣一道實國家祈福之  
所也故江陵公留題真君觀詩全篇云秘殿出崔嵬半  
紫虛洞天岑寂列真居霜毛時下朱陵鸞金簡猶探  
宛委書風拂瑤壇歌羽旆雲歸翠嶺度飈輿竹煙蘿  
月空歌裏一道寒泉漱碧渠

觀有碑文六

注生真君碑

唐開元二十年衡州司馬趙願真撰蕭誠書

移建皇帝本命殿碑

大觀二年三月通直即權潭州通判兼軍州事趙岍文并書立

御製化道文

宋宣獻詩

朝賢送單大師詩石

南嶽雜詩

**南嶽觀**

在紫蓋峯南下紫霄峯前晉太康八年吳人

徐靈期新野先生鄧郁之開古玉母殿基建懷帝元

嘉中賜額爲華嚴觀至梁改爲九真觀張佐堯詩略  
云晉代爲華嚴梁朝号九真宮門頻改額洞口不移  
春是也住持周靜真乃武帝之師帝心期上善親紆  
黃屋謁此玄都若軒后之拜崆峒漢皇之禮河上異  
代同時也奉勅賜莊田三百户充其業至隋後主大  
業八年屬唐高祖詔請蔡法壽李法超二法師主觀  
事焚修興行教法其衡州府庫田疇什物並賜觀資  
用貞觀二年太宗重書額詔張惠明天師度道士四  
十九人焚修高宗弘道二年詔葉法善天師封岳闕  
地方四十里充觀長生之地禁樵採斷畋獵投龍獻  
圭以爲常典開皇中改爲衡岳觀後因兵火摧毀天  
祐初府主令公重建之今朝 太宗 真宗 仁宗  
三聖御書洎金寶牌每辰焚 御香祝 聖壽亦國  
家祈福之所 真宗朝勅差冲靖大師單惟岳來住  
持擬舉嶽門宮觀蕪管煙火後奉 旨改爲甲乙自  
茲始也故宰相王欽若有送單大師歸嶽詩云 玉  
書颺馭降神州樓觀丹臺選道流岵谷難藏猿鶴性  
吟懷終戀水雲幽晚程冒雪瀟湘渡採藥沿溪舫  
舟乍到楚鄉應動念十年人物半沈浮宣和六年准  
敕勅建昊天殿改賜衡岳爲銓德觀宣和三年得



百免道業二稅又追取諸寺院金寶牌並歸本觀奉  
安紹興中

太上皇帝降賜 御書黃庭內景經一卷法帖九卷

觀有白雲堂內安保生天尊銅像晉咸亨年鑄無極

堂御書閣田良逸先生名真堂劉廣成先生真堂父

視閣流水軒觀前左掖二百步龍山頂有唐宋蜀人

毛士海得道處觀後主山上舊有尹真人庵朝天禮

斗壇駕鶴亭真人姓尹氏諱道全天水人也修洞真

還神之道佩五帝六甲左右靈飛之符天仙降而謂

之曰飛昇者當有其材而後成其道昔漢武帝親受

金母靈飛十二事及五岳真形圖纔得尸解而不能

使形骨俱飛尔今得一而有升天之望豈非積功宿

分所值耶道全曰淺學無聞願示十二事之目天真

曰一者五帝六甲左右靈飛之符二者太一混洞東

蒙之文三者丙丁入火九赤班符四者太陰六丁通

真道靈玉女之錄五者六戊太陽招真天光策精之

書六者六巳石精金光藏景錄形之訣七者六庚素

招攝投之律八者六辛致黃水月華之法九者壬癸

六遯隱地八術十者子午卯酉八景十訣六虛威儀

十一者丑辰戌未地真曲素訣辭三五順行十二者

寅巳申亥紫度炎光內視中央也一者五嶽山符安鎮方嶽檄召禹靈太上真文也二者五嶽山蹠神仙倒景俯視山川之蹠寫其曲折蟠薄在地之勢也三者五嶽山形取其峯巒洞室之所在神芝靈草之所生高下丈尺等級之數東西南北里舍之限也四者五嶽山骨取其骨體之所像枝榦之所分上法星文下主人事之所起也五者五嶽山水穴貫之圖取其泉液之所出金寶之所藏地脉之所通而爲之圖也主符圖吏兵官屬各數萬人五嶽之所總大山三百六十小山千二百並列仙曹職宰可謂衆矣武帝雖

三六七

勝集四

得其法而不能專其戒窮武玩兵自毀其福故不得與黃帝同功今尔遇之乃知文始之裔太和之族世有其人吾當與汝期於九清之上太无之中言訖而去真人以晉懷帝永嘉元年三月九日有白雲起於室中三日不散散而視之已失君之所在但聞香氣襲人重和元年 徽宗皇帝賜號通真觀妙真人知潭州張茂宗留題衡嶽觀詩云靈嶽峯前遊古觀此中何別藥珠宮五雲仙客形皆異十洞煙花景不同鍊藥鑪香金石氣醮星壇冷薜蘿風因聞大道修真訣起尺三清路可冲

觀有碑文六

九真觀記

梁相東王蕭綽撰

何尊師得道碑

唐衡陽太子蘇務廉撰

廣成先生神道碑

翰林承旨蕭鞠撰太子少傅致仕盧璠書

隱真崑田先生記

廣成先生內傳

吏部侍郎趙櫓撰

中書舍人王祐贈道士率子廉詩

東坡居士蘇軾作記并書

勝業禪寺

在廟之東掖古聖容寺也或云夏禹建清

冷宮以奉安虞舜之像

聖容即聖像也

唐武宗朝廢之馬氏

據有湖湘有掌誥夫人楊子瑩施錢再建改為報國

寺記云夏禹故宮也政和中改為神霄宮後復為寺

寢堂之西有庵名禹柏庭際雖廣一柏盡蔽之後有

悅亭面岳環匝如幘題詠亦眾住僧文政四句云山

鳥無九音山雲無俗狀引得白頭禪時時倚藜杖東

有老牧亭真如軒皆雅尚也寺舊無泉源住僧文政

因栽杉尋訪岩谷間得一泉脉清甘尤益茶味以禹

故迹遂築亭於上以為禪悅之所寺有

御書本朝太平興國年始更賜今額葆真居士樞密

折公彥質留題詩云故宮餘禹迹勝地屬僧家古廟

松陰合幽亭竹影斜嶺雲吟賞合山鳥定中譁譚逐

經別空懷客路賒寺有唐柳子厚撰弥陀和尚第

二碑蕙自書篆

我朝康肅公陳公亮咨撰修藏記

**告成禪寺**古亦以衡嶽為名隋仁壽元年以佛舍利分置諸郡令各建塔計三十一處南嶽即建塔於衡嶽寺二年正月二十三日敕使諸道勅取四月八日午時葬之此即一所也馮氏天福五年方建塔樓堂宇僅成一寺至本朝大中祥符東封改為今額寺後登山有巨石相重宛如磨形傳云思大和尚感鬼為之磨香今山中有兜婁香蓋遺植焉

**衡嶽禪寺**

在廟西北一里集賢峯下梁天監二年建

惠海尊者道場至本朝太平興國年勅以舊額為賜寺後有善果庵乃海栖禪師宴息之所飛泉脩竹石鼓恠木特異昔嬾瓚和尚曾隱此與李鬼谷相會我朝太宗皇帝賜御書寺有唐皇甫湜撰瑗律禪師碑連州刺史王翽書唐韓愈有宿衡嶽寺門樓詩略云紫蓋運延接天柱石廩騰擲堆祝融森然魄動下馬拜松柏一徑趨靈宮寺前有五寺碑唐李巽撰羅中立八分書五寺即般若南臺禹壽華嚴彌陀西有文殊庵昔周道者修頭陀行得三昧定力逆知人意時人無敢輕惑今遊山大路石砌便士庶往還者乃道者之力也

**淨嚴寺**

在廟西北隅隔溪與西禪比隣唐咸通年造

本朝太平興國年以舊額爲賜昔景德中有僧晏坐忽地中有光高丈餘乃發掘之得佛像七尊今色新如故

**西禪寺**亦在廟西北無記刻可見興建之始梁天監三年再修亦無他佳致中有雙棕欄瑞蓮飛鳥不敢栖泊云有道人置一木禽辟之觀察劉侯詩云樓殿不教棲宿鳥是也

**華嚴禪院**在廟之西北登山三里隋大業中有高僧惠稠日講華嚴經學徒鮮有至者稠乃立石數塊在前曰汝等是吾弟子石石頭盡皆點頭唐順宗時乃就其地建寺以華嚴爲額 本朝興國中再以舊額爲賜

**雲居寺**在廟西北登山七里馬氏所葺有疑碧亭面勢峽絕下瞰岳南之境一覽俱盡爲遊客頓歇之所前代時人吟詠極多惟畢田云四面山屏疊萬重古嵐濃翠鎖寒空清秋獨倚危軒立身在琉璃世界中又廖凝一聯云遠水微茫轉前山次第卑觀者歎伏寺廢已久近復興之寺前石上有卧牛跡舊云金牛跡隱然可見石之下有石磴百餘級隋開皇中僧神拱鑿開近日復扞橋屋欄楯便於登陟今亦廢矣故

毛季子有詠石橋詩略云獨上雲梯三百級回眸  
笑萬山低又各石橋寺前有退道坡極峻遊人至此  
力疲不能進因以名之昔賢詩末句云遊人須努力  
勝境在雲巔

**南臺禪寺**

在廟之北登山十里梁天監中高僧海印

尊者言其山秀地靈結菴而居号曰南臺又至唐天  
寶初有六祖之徒希遷禪師遊南寺見有石狀如臺  
乃菴居其地故寺號南臺唐御史劉軻所撰碑並存  
焉遷既歿後遂塔于山之巔謚曰無際見相二碑尚  
存裴休書字畫道勁或云非裴書然亦可觀也龐參

士嘗來請益于師殿之下有石乃丹霞削髮處又有

石号飛羅漢世傳神運倉今遺基尚在石頭和尚著  
參同契草庵歌善圓師刻于石寺西有甘泉透入僧  
厨名之洗鉢池我朝 太宗 真宗 仁宗 三聖

御書百餘卷石曼卿書釋迦文佛四字在寺前石崖

上潭帥張茂宗詩云煙蘿深處南臺寺景象觀來地  
最高撥土誰開請洞上層樓人架半山崖牢石橋過處  
數千仞松徑行時幾萬遭到此心生清淨外峯頭開

看戲猿猴

**福巖禪寺**

在廟之北登山十五里岳中禪刹之巖

陳太初中惠思和尚自大蘇山領衆來此建立道場  
師常化人修法華般若念佛三昧方等懺悔因號服  
若寺 本朝太平興國中改賜今額有唐懷讓禪師  
結菴于思之故基有道一和尚坐禪于側久之讓往  
以磚磨而激之一謂讓曰磨磚何用曰爲鏡一曰磚  
如何得作鏡讓曰磚旣不能作鏡坐禪如何成道一  
異之曰畢竟如何卽是讓曰謂如乘車者車旣不行  
鞭車則是鞭牛則是一決然開悟菴上有定心石羅  
漢隱身山昔有高僧因普請搬柴徘徊不赴留頌  
身入此品中不復出頌曰真空妙相無人識剛被  
那取次差寧可寂寥歸石室誰能爲衆去搬柴山之  
下有卓錫泉初思大卓錫處以建菴艱於水復有虎  
跑開二泉如湧可以供衆有八功德水三生藏馬祖  
庵思大塔昔惠思三次生此修行方成道政和六年  
被回祿屋宇佛像俱焚盡惟三生藏馬祖菴堦空橋  
存焉後七年修建後備昔忠懿王在吳越時嘗以七  
寶造阿育王塔八萬四千銅鑄八萬四千鐵鑄八萬  
四千紙絹印福嚴有七寶塔窠置於方丈他日旣經  
煨燼巨鍾大石皆鏽裂獨此塔不變衆謂忠懿願力  
也又唐苑經教舍利旃檀瑞相泊思公錫杖俱存其

餘供噐不可勝計旁有戒壇天然成就中書舍人韓  
琮書般若寺額有堅固玄泰二塔在張茂宗留題般  
若寺詩云擲鉢峰高虬鱗排殿數層有各千古寺無  
念十方僧雲出松窓側苔粘石砌稜正酬君祿切難  
此繼南能紹興末復罹回祿止存三生藏馬祖庵餘  
皆灰燼復五年重葺僅五七分宏壯於舊矣後有野  
人嵩太初中有避秦人來往飛越山谷莫之能近窺  
其崑中一無所有後屢有野人居之至今不絕祥符  
間有三少年草衣磐石上坐衆近訪之而不見

### 大明禪寺

在廟之比登山二十五里煙霞峯側有思

大和尚宴坐處唐德中有僧惠開所建至唐開元中  
重興有柳子厚撰大明和尚碑 本朝仍賜額寺之  
前有十八高僧行道壇故基在焉東有懶殘崑稍庇  
風雨五色碧雞常集于此昔有高僧居之因其名焉  
草衣木食不干時務懶而喫人殘食歎侯李泌亦結  
廬于側賜號端居室凡十年不相來往聲流上國有  
詔使至則踞然不對而佯啗常垂兩涕使者李侯贈  
詩云糞火但知黃獨美銀鉤那識紫泥新尚無情緒  
收寒涕誰有工夫問俗人又嘗作頌其略云世事悠  
悠歸山去休卧藤蘿下塊石枕頭黃庭堅嘗自贊真



云自疑是南岳懶散師乃此老也或稱懶贊語訛也  
**上封禪寺**在廟北登山三十五里祝融峯下按錢景  
行勝槩集云本朝賜額建也一云古光天觀後改  
爲今寺若煙雲稍開四望千里遊賞騷人題詠甚多  
惟僧齊己詩云猿鳥共不到我來身欲浮四方皆碧  
落絕頂正清秋宇宙知何極華夷見細流壇西獨立  
久白日轉神州寺有穹林閣僧室未嘗去火秋初早  
已冰凍雖盛夏亦夾服木之高者不過六七尺名  
之矮樹萬年松亦不盈丈蓋以極高至寒故也其勢  
孤峭特迫禽鳥亦不能及下視衆山不復如坳龍但  
鬚髯如觴且而已寺之側有風淵穴雷池龍王堂祝  
融廟基青玉白璧二壇即是二福地也今云羅漢行  
道壇是也故畢田詩云旣壯黃金宇何言青玉壇誰  
將應供者又此易仙官

**福嚴寺**在廟之北登山十五里在福嚴寺東  
寺額乃唐懿宗書題記處比王刻也本朝太平興  
國中只以舊額爲賜寺有蜀王孟氏所捨藏經并銅  
佛像製作皆精微可觀古篋椽木擁蔽前後比山南  
諸刹最爲幽密也寺有本朝太宗仁宗御書三  
祝堂無盡居士張商英題一絕云觀手壤焉知帝力深

耕田鑿井自謳吟多財多壽多男子聊表封人祝聖  
心後有麓苑庵址

**紫蓋院**去廟北十五里寶勝寺上唐傳待仙修行處  
譚陳二士亦修煉於此又有鐵瓢仙張白居之北入  
桃源基址廢久有野人居之上有醮斗壇竈北李生  
尸解處下有唐太子繫馬橋在

**寶勝寺**在廟北登山十二里自衡嶽過華嚴歷壽祺  
觀北上乃至杉松擁蔚並無佳致據香爐峯南下當  
紫蓋之路聖壽觀去廟北登山七里唐咸通中建因  
澗得其名舊記云故靈武盧璠鎮黔南日奏請以舊

書堂爲觀六年奏捨莊田屋宇永充觀內常住今盧  
公真堂洎殿宇儼然舊有清音閣選仙亭迎仙閣此  
君閣層崖峭壁脩竹長松幽澗清湍景象奇異比之  
萬壽加之數倍茂密也壽澗逕觀前下合靈澗流注  
平野唐懿禧中有軒轅弼明隱此年久後復抱黃洞  
太平興國中有跛仙遇呂洞賓於君山後亦隱此行  
靈龜吞吐之法功成回嶽麓自號瀟湘子嘗云我愛  
瀟湘境紅塵隔崖除南山七十二惟喜洞真墟元祐  
間常有白鶴栖鳴於杉松之上三日而去宣和元年

改壽祺

**華蓋院**昔華蓋君修行處不顯名氏或云古太清觀也去廟東北十五里自元陽宮陟上清宮而至昔譚峭崑字景升若終南山又著化書過東吳見宋齊丘遊廬阜泛瀟湘煉丹於此又默希子不知何氏居此著通元經開皇中有道士吳涌虛字合靈居之風狂未嘗下山終日沈湎亦無煙火之具俗呼爲吳獠好睡經旬不食常言人若要閑即須懶如勲即不閑也素不攻文忽作上昇歌云玉皇有詔登仙職龍吐雲芳風著力眼前鷲地見樓臺異草奇花不可識我向大羅觀世界世界只如拍掌大當時不爲上昇忙一時提向瀛洲賣後於清泰二年前又有荆臺隱士鐵冠先生樊岳暴合靈之道常騎白牛訪之楚王馬希範嘗師之後馬希聲嗣位先生不知所之

**上清宮**

去廟東北七里吳人徐靈期真人修行之所

徐幼遇神人授以玄丹之要含日暉之法守泥丸之道服胡麻之飯故得周游海嶽來往南山積有年矣採訪山洞崑谷作衡嶽記叙其洞府靈異言紫蓋雲密二峯皆高五千餘丈而雲密有禹治水碑皆蝌蚪之字碑下有石壇流水縈之最爲勝絕而紫蓋常有鶴集其頂而神之靈草生焉下有石室有香鑪杵臼

丹竈祝融峯上有碧玉壇方五尺東有紫梨高三  
尺乃夏禹所植實大如斗赤如日若得食長生不死  
義熙中山人潘覺空峯西石裂有物出如紫凝香軟  
可食覺不知其石髓竟不食弃去忽悟而還已不見  
此君之所記聖異又能役使鬼神降伏龍虎以宋元  
徽元年九月九日冲其重和元年 徽宗皇帝賜號

明真洞微真人今宮基見存石碑傳云舊有仙雞報  
曉因喫仙草不死間有樵人見而不能捕大曆七年  
玄和先生張太空者李泌之師居之得道後入元陽  
宮尸解大中元年韓威儀慕其風而居之修行亦得  
道

**石室隱真窟**在上清元陽之間杉松夾道崑岫堆藍

有石室兩所本虎豹之窟唐大中年劉元靖先生居  
之禮斗步罡驅逐虎豹艾除荆榛而住衡州刺史韓  
擘捨俸錢爲建會真閣就崑關其石室引泉環流伐  
木誅茹鑿其茶竈碁局醮壇藥臼盆牀燈具供器自  
然生成會昌中詔入內傳受法錄封號廣成先生父  
之乞還山大中五年冬十月有雲鶴屢降未幾去世  
聞天樂浮空及遷神日惟杖履在弟子吕志真得其  
道兵部侍郎蕭勣文其碑吏部侍郎趙楷爲傳太子

盧璠作石室銘道士張堅白爲內傳今止存內傳洎  
神道碑在銓德觀今基址尚在

**中宮**在廟之東北七里梁天監中建真人玉靈輿修  
行之所王乃晉陵人幼而穎悟更不婚宦勤志於道  
辟別親友結廬於五老峯下似有所得忽一夕有神  
人謂之曰得道者若非其地如植五穀於砂石之間  
則不能成子雖有飛昇之骨當須福地靈壇爾可以  
變化雖累德以爲土地積功以成羽翼苟非其地魔  
壞其功茲道無由成矣靈輿告曰何地可棲神人曰  
朱陵之上峯紫蓋之隣岫可以冲天矣遂自廬阜遷  
居南岳之中宮修行一十二年道成復遷於朱陵之  
東朝斗鍊真以天監十三年七月十二日冲舉重和  
元年 徽宗皇帝賜號通微集虛真人又唐天寶初  
董奉先居之修九華丹法而得道又於衡陽棲朱陵  
之後洞元和中馮惟良亦修行於此本傳並具下卷  
又大曆中李德林先生修行得道宮已廢矣

**元陽宮**在廟之東北登山五里與上清中宮如鼎峙  
晉太始中陳真人諱興明修行之館真人少遊名山  
因訪真迹於天柱峯上遇二神人年十八九自云吾  
歷行四海度有志之士世人修道暫能精專中道而

廢不至勤又何得擢形雲天飛冲霄衢汝之積功亦  
可佳也第勿退轉何慮不列名金闕玉堂前苦後樂  
者苦則有極樂則無窮何者林谷幽棲禽畜爲侶飢  
渴必至寒暑辛勤割此離榮碎親捨愛可謂苦矣壽  
同天地變化無窮策空乘虛坐生羽翼可謂樂也得  
不勉於修勵乎興明拜首曰永佩聖言畢至於道不  
敢怠忽也遂授明鏡之道修之十有八年二仙降而  
告之曰吾昔授子至道果能勤行今則登躡九天游  
宴八海積功之報也前苦後樂今子至矣以晉太康  
元年三月初一日煙霞遶室天樂浮空山下居人競

往觀之惟有空室至於雞犬悉皆騰舉重和元年

徽宗皇帝賜號致虛守靜真人又唐有張玄和先生  
居之德宗御詞賜之云夫至道無名強假名而崇道  
至真無謚必求謚以明真惟其可稱實在全德故南  
嶽元陽宮道士張太虛混元育粹玄之又玄鍊骨三  
清存神八景衡峯養德時近百年依罔象以冥搜挾  
鴻濛而冲用棲遲浩无太古真形頃在先皇敷崇道  
妙望乎玄鶴之駕錫以紫霓之裳我有輔臣格言高  
躅永懷仙子恨不同時聊申嘉尚之情式降昭旌之  
命策名表德庶永無窮可贈玄和先生貞元四年六

月十三日下後尸解於靈隱峯其宮本朝淳化天  
聖政和三經修葺宣和元年改賜崇明觀觀後三里  
有伏虎崗

**田真**在元陽宮東南二里唐寶曆中建綠筠蒼松  
前後掩映三清並石像殿北百餘步有小崑田先生  
常憇於此崑上有一松樹號葦蓋松根柯蟠曲枝幹  
左細如葦蓋崑周回雖廣一株盡蔽之開皇時田良  
逸名虛應齊國人侍親自攸縣遷居南嶽喜王峯後  
躬耕負薪以待母夜即獨坐崑中一日放志遊五峯  
見何尊師而問道其母曬衣于山北聞兒遠適速往  
追之不及復回衣已化爲石至今數百年衣色不改  
素潔如初下有小崑母常憇此經日而坐常服炁臧  
食母既坐云其志愈堅後遇薛季昌而傳法東入天  
台不復出憲宗詔不起後尸解本朝宣政間值回  
祿止存石三清紹興間復建小殿有道人焚修至今  
不絕

**在銓德觀**後半里修竹長松前後茂密梁天  
監末女冠徐練師居之修行而得道貞觀末張惠明  
再修遇南嶽右英夫人傳道行抱一三五混合之法  
而後尸解又有李思慕居之得道本朝太平興國

中賜額近廢

凌虛在廟之東登山八里華蓋峯南下唐天寶初

建薛練師名季昌庵居處明皇詔住九真降聖觀進

注道德經撰文徵論御書批卷九十數次後薛榮寵

乞回草廬一日謂門人曰今夕天氣異常吾當有所

適遂凌虛而去後有薛幽棲自西蜀遊二十四治歷

荆渚沂瀟湘禮赤君於此修真晦其名氏於五峯之

下石臺上注靈寶經臺上煙雲如香煙繚繞而起注

經罷煙亦自無感格如是因名天香臺後尸解會昌

中周混汗自九真來居之後得道為大羅觀主宮前

有自然石壇醮器並生成試劔石浴丹泉紹興末移

於山下開創僅五七分而未周備又詳見下卷

洞靈去廟東北登山十八里紫蓋峯東下昔東晉

末鄧欲之字彥達居洞靈臺誦洞經遇魏夫人傳法

行之而得道係二十五洞靈源福地古詩云洞靈源

接洞陽天瘦壑危峯吐絳煙曾踏落花聽玉籟赤松

壇畔鶴鳴泉宮建自李俊民天師居之得道昔有彭

蔡二真隱此唐末有聶師道遇之事具下卷今有桃

林左右茶園橘柚所在宮前舊有古楓一株端聳數  
丈根脚隆起蟠結成一巨龜首尾足甲顯然如活龜



者畏憚其宮宇庵居自五代撥亂盡惟回祿山頽盡  
迥 本朝大觀末有中貴王門司拾金巾重建官殿  
廊廡迄今一新住庵隱逸者亦不戒舊東北有桃花  
源鶴鳴泉皆遊人罕至西崖上有刻張元化還丹賦  
下有泐蔡池東有朝斗壇

**龍觀**

在廟東八里舊記云塔基劉宗卜字蕭齋又

記云晉咸亨中建昔張真人諱曇要居之精思感通  
天真宮降傳內養元和默朝大帝之道行之十二年  
神遊太空面朝皇極大帝賜以瓊寶琅膏混神人景  
之液餌之變化莫測神用無方以齊延興元年七月

初三日忽然雷吼天地震動俄有鸞鶴丹記迎之昇

天重和元年 徽宗皇帝賜號葆光襲明真人貞觀

二年有廬陵蕭法師諱靈護來居之化黃白術外醫

之修其觀宇五年建尋真閣六年壬辰於桂州鑄銅

鍾一口重五百斤歸觀凡五更不敢扣擊蓋驚地府

陰神之然也後煉丹於山北九經三煉方成服之於

弘道二年中秋尸解元和之末有許碯者自峨嵋而

來題記於梁上常大醉長歌歌中洎題記處嘗有尋

偃月子之句竟不知偃月是何物又留題於堂壁其

末句云鄧通餓死嚴陵貧帝王豈是無力人丈夫未

達莫自親攀鱗附翼損精神

題後非久白日昇天

端拱末五

初忽聞鐘聲衆皆驚訝曉而視之鐘破裂裂不旬日有

一道人布衣縑縷自云能補鍾但需數千斤火於是

燒炭鍛鍾道人以掌心鎔銅汁就其裂處摸之其紅

焰自暗衆視之而憚道人入溪洗手忽失所在其鐘

至今有手摸之迹此實靈異又唐末聶師道訪彭蔡

三真事具下卷 仁宗朝有養素先生奉旨來住久

之入衡岳觀後尸解宣政間有說人吳承遠慕其風

而建養素軒觀崔有遙碧閣競秀亭朝天壇北二里

有雪浪亭洞真澗瀑布自洞而出巨石橫峻當石崖

之上有一石沼圓若鍋釜之狀可廣丈餘深不可究

一派飛下如紋簾號朱陵洞三十六洞天之第三洞

也又有石井下直無底通徹四門澗流僅二十里成

此懸注從初溪至中潭凡九仞自中潭下入谷十有

八仞有冥蟠壁面闊四席濤雪騰飛雷雨驟下雖天

台峨嵋不及此勢也下有投龍潭國家修齋醮畢投

金龍於此石罅微開聞天樂之聲故蘭敷有水簾洞

詩中一聯云開元投金龍水底聞天鈞是也若遊人

誠心潔志瞻禮而窺之微芒見金牀王机至道閣有

孕婦觸之石崖斬合一無所覩往來留詠繁然爲

獨廬陵李元輔一篇超越倫輩詩云一片挂蒼崖分  
明不惹埃感成珠顆白垂下玉繩來野鷺飛難入山  
風捲不開去朝海無意戀崑隈句清格健觀者  
歎伏政和元年十月建安張徽言領漕本路按部自  
湘潭趨岳祠未至三四里間觀道左松蘿翁蔚中有  
高門宏麗朱書大榜曰朱陵宮門內樓閣隱然一人  
立闕間若有所伺時以日昃未暇遊觀意俟他日也  
二年九月初五日自衡州回宿勝業禪寺語住持僧  
景襄曰來早同爲朱陵之遊襄曰此寺之東有招仙  
觀後有朱陵洞予謂去歲嘗過朱陵宮見高門大  
榜朱字盈尺恨未之遊今者之來深有意焉翌旦同  
詣招仙觀經歷向所見處了無所有惟空山而已比  
至朱陵洞四面石壁瀑布中注亦無屋宇詢之道流  
云素無此宮亦無此門異哉乃知天台大方廣嵩山  
聖竹林事與此類謾書以識之後住持道士王元洞  
建望仙亭於見處立宮門縣尉錢景衍書朱陵宮三  
字以朱填之爲榜後翫望仙橋觀有銅像保生天尊  
晉咸亨中鑄石像老君并侍從並同時而建舊觀在  
洞口唐末遷出就老君殿別墟元始王晨共爲一殿  
以奉香火或云唐以遵奉玄元爲聖祖故建王晨岳

石也宣和元年改賜今額

觀有碑文四

洞真瀑布碑

國家金錄道場齋醮記

建尋真閣記

朱陵宮記

**九真觀**在廟東十里舊記云晉太康中新野先生建天監初有張如珍真人居之張乃先生鄉人也幼而少語淡泊不群壯歲幽棲而宿稟靈骨遇神人降於崑室傳明鏡洞鑒之道使其修之曰夫燭物理者天也鑒物形者道也天之道以清鏡之道以明審而無差形定於此物應於彼故川岳之狀鬼神之情無所

三十五

勝集

卷三

逃而隱也天以清而容萬有水以澄而鑒衆形若修天清鏡明澄心靜神而得內外洞徹則至道成矣儻外役於物內勞於神神心昏濁不能澄清則去道遠矣此法吾昔受之於長桑公子長桑公子受之於太微天帝君所得之能洞達玄通燿照八極夫洞真法中有四規之道依四時而行亦與此同體矣古人所謂虛其室白自生定其心道自至信矣哉如珍修之九年徹視千里無一物可隱以梁天監十三年十一月十八日君獨遊山三日不反弟子求之而君方衣仙衣駕雲輿籥鼓擁之縹緲而昇天重和元年

徽宗皇帝賜號全真達道真人開元初司馬承禎字  
子微自海山乘桴煉真南嶽結庵於觀北一里目之  
白雲丞相張九齡屢謁之明皇令弟承禘詔之較正  
道德經深加禮待呼爲道兄九是觀中供養金銀器  
皿悉歸降賜自御札批荅表書往來不絕天寶初蜀  
人薛李昌昔在峨嵋山注道德經二卷後隱居衡嶽  
華蓋峯撰玄微論三卷并大道頌一首及注得司馬  
弟子王仙嶠寫進上詔住降聖觀供器御書批荅不  
絕及於九真觀奉造聖祖天道玄元皇帝聖像一鋪  
十三事通光座高一丈七尺經六百七十卷仙嶠乃  
本觀道童性好澹泊因看到仙傳有物外操嘗謂五  
千言外皆土梗耳携岳中茶入京師教化嘗於城門  
內施茶忽一日遇高力士見而異之問所來荅是南  
嶽山九真觀道童爲殿宇頽毀特將茶來募化施主  
力士喜其言因聞明皇宣見帝喜清秀問曰卿有願  
否對曰願鬱二家國盛濟濟經道興帝喜令拜司馬  
先生爲師於內殿披戴厚賜廻山夜夢感真人陳少  
微而得道要冊命侍司馬先生來王屋久之奏云尊  
師以開元二十三載仙花乞請收南嶽舊居爲觀蒙  
聖恩書額詔薛李昌住持降聖觀宣賜聖像供器天

寶十二年復令衡州鑄銅鐘一口降賜觀中音韻振  
遠徹於霄漢重四千斤上刻明皇帝號御製銘曰鑄  
於郡懸於觀天長地久福無筭驃騎更大將軍高力  
士監鑄此真嶽中乏名器也後乾元三年二月值兵  
火罹亂焚蕩聲然鐵石鎔裂惟有此鐘豈非願力而  
至於是哉咸通年王固節道行超倫一方仰慕營葺  
一新闡教談經學者如市奉詔歸北岳封總教大師  
又元祐間其鐘忽不見數日一日得之於觀前塘中  
苔蘚所漬鐘頂上龍折其右足復致於樓上傳云與  
青苴渡龍鬪今觀後有龍竇嶺觀一里有武陵謝先  
生再葺白雲菴而居嘗與曹道冲為詩琴之友道冲  
有詩云桃源洞口武陵人跳出紅塵二十春但喜白  
雲深有趣不知青眼近來親丹砂已向坤鑪伏王永  
允從塔鼎耳心沾計一張焦尾外碧壇三尺禮南辰西  
有王氏藥寮王住久遷靈崑就雲龍峯口解觀北隅  
五十步有壽仙亭亭下有白龜泉即南山泉也其泉  
自崖竇迸出清泚甘冽其色早晚兩變雖南山名泉  
無逮此者飲之無疾而壽中有白龜大如錢白如玉  
隱於石竇之間人罕得見遇之者吉祥而延壽傳云  
龜出仙來龜隱仙去題詩亦衆惟野人皇甫浹云靈

臺塵不止塵止非靈臺愛此一泓水曾棲靈物來  
近歲卜庵於此泉之北山相去五里因採藥嘗憩此  
亭每欽歎其異云寥寥宇宙之中九真仙隱化於白  
龜者計此乃三處也愚自謂年秋棲於是山為終焉  
之計凡三徙其居至朱陵之東其王氏舊藥圃而住  
適與此泉為隣非偶然耳因成一絕謾書之於此天  
下白龜三處顯怡山少室壽仙亭我今卜築南山頂  
得尔為隣祝 聖齡觀有九仙閣閣後舊有琅瑛閣  
重和元年改賜今額

**降聖觀**

在九真觀一里舊號白雲庵司馬子微修行

處因弟子王仙嶠奏請以先師庵為觀蒙降額親篆  
勅九真觀薛季真兼任持

**九仙宮**

在廟東十二里梁天監中建昔王靈輿自中

宮煉行既周冲寂後遷於此朝斗思微一日天真迎  
之又有鄧郁之南陽新野人也幼夢一鳥吐印與之  
自是人間有疾以印治救求為符章病者自愈後與  
徐靈期結方外友周遊名山尋訪上士遇至人傳金  
鼎火龍之術於宋元徽二年徐既上升郁之隱洞門  
久之乃徘徊湖外洞天福地無不遍歷所患丹材無  
力可置因有司奏少微見南楚武帝勅監軍採訪詔

之便殿間所修曰貧道修煉金液而闕丹材帝賜金帛許於南嶽洞真福地選其幽勝置上中下三宮以修內外丹一夕神人謂之曰大洞之隣乃招福之鄉延生之里善記勿忘後君丹成復遷紫蓋之東以梁天監末十二月二十日有八真人乘羽蓋雲峯降於室中即前得道者八真人也於是就自然石壇升天重和元年 徽宗皇帝賜號超真集妙真人唐咸通九年衡州刺史張觀具奏置觀額十年十月勅下宜依所奏又開元中明皇詔賜宸篆云紫蓋雲峯石壇九仙宮昔賢曾詠九仙宮其略云一峯鱗次開一觀片石朋來會九仙寶牌尚記明皇篆靈夢嘗聞御史傳又景祐中故觀文殿學士孫沔為御史 上問事忤旨貶永州夢道士以田為託後徙潭州因祀岳陰以物色求所夢乃得王君之像于九仙宮遂檄縣鈎括其宮田果為隣觀侵佃其詳具下卷宣和元年改賜今額後有大洞於前洞丹霞庵基

**觀音寺**

在廟東十三里石道蟠曲在雲密峯南下馬

氏所建本朝太平興國年改賜普濟近已廢西北有陳先生藥堂陳乃蒼梧人常修太陰鍊避之法與同鄉楊太初遇真人聶紹元傳二景高奔之法修成西



入三都

**雲峯景德禪寺** 在廟之東十五里後倚雲密前臨禹溪西有大禹崑乃禹王傳王文處梁天監中建寺有高僧法證族郭氏爲竺乾道五十有七年戒壇聚徒講道乃遷化其門人曰詮曰遠曰振曰巽曰素凡三千餘人其長老咸來言曰吾師執行峻持器宇宏大有來求律者吾師示之以尊嚴整齊明列義契而人知其所不爲有來求道者吾師示之以高廣通達一其空有而人知其所必至元呂碩老替首受教髻童毀齒踴躍執役故從吾師之命而度五萬餘人廣其

勝集中

卷三十八

**祠宇** 本朝建隆中重修大中祥符年賜景德額有會聖閣齊雲閣養亭清照亭松風亭觀音夢應三泉皆佳致也轉運副使陸訛留詠詩云紺宮清絕占竒峯迥在朱陵寶界東賞遍禪林歸馭晚禹溪斜日照丹楓

**延壽寺** 在廟之東十六里北有尊勝寺基

**白雲寺** 在嶽之東十八里不知開建之始在白雲峯

下有白雲洞龍潭人有祈求而致葷觸便作風雷雷崩公陰黑人多畏憚乃朱陵之東便門也

**七寶寺** 在嶽東北三十五里昔高僧玄恭號布衲居

之深於禪理善歌詩每病土民畚種因作畚山謠其略云由道今年種不多明年闕斫當陽坡國家壽岳尚如此不知此理如之何馬氏聞之禁止塔石福巖與堅固比隣下有涌泉

**崇果寺**在岳山北五十里

**普濟寺**在岳之北三十五里下有龍潭寺之東有李真人上中下三丹竈龜中有水源旱者祈之無不感應遊人罕至

**光天觀**在廟北登山三十五里按福地誌云係二十二光天壇福地洞淵集詩云太極分形狀若壇

白雲深鎖路尋尋岳兀然萬古含春色光照吾皇祝壽山一云天業中改觀爲寺即今上封寺是也又按南嶽十八高僧傳云陳光天初思大和尚領徒至此建閣作真徒上下經行聽法之所則光天觀當別有基也西有青玉壇福地今釋氏改名羅漢行道壇

**天柱禪寺**在廟之西北登山十八里天柱峯下在近

山天柱爲之最髙寺在半山樓閣參差與彌陀相隣出沒煙雲之際居者疑在虛空中葆真居士詩一絕云福巖直上看天柱樓殿霏霞倚翠空却望福巖如畫出更怜煙雨巧朦朧思大和尚二生塔在寺下山

有香岡周回數里多生香白芷傳云魏夫人所植

**彌陀寺**

在廟西北登山二十里在彌陀峯下仰望樓閣如在畫圖中唐宣宗賜額爲般舟道場 本朝太平興國中賜今額祿真居士訪之值僧出並無一物

問云僧皆村居治生久不來此故留一絕云苔侵佛座突無薰盡日飛塵漸塞門雖是道人忘臭味問君臯口若爲存

**清化寺**

在廟西北登山二十五里已廢久矣今有野人居之北有激谷傳經壇

**靈境寺**

在廟西北登山二十五里號中洞馮氏所建

但破屋三四間傳云天復年庵宇甚多今廢久大路側有大杉二株並立圍可數丈高拂雲表雄壯可憚或云昔唐宣宗太子曾憇此見二將軍至謝忽不見因呼爲雙將軍

**安寶觀**

在廟西北登山三十五里乃傳待仙以木鑽

鑽石獲天書處林木茂密今已廢久

**寶積寺**

在洞下嶽之北登山三十里見存空屋

**太平寺**

近洞下見存破屋在側刀峯西下

**寶林寺**

在祝融後上封莊之東名洞下但破屋數間

**化城禪寺**

過山五十里亦無他佳致

南朱觀過山五十五里東望嶽山堆翠焉

**雲溪禪寺** 過山七十里在皇想山下當邵州中路  
篁擁碧怪木參差東望融峯高挿雲漢

**白鶴寺** 與橫龍相隣山谷有禹王書鐵符化成白鶴  
今呼爲飛符崑亦曰白鶴崑又云古觀也下舊有石  
倉自然常滿倉今基在

**資福寺** 與橫龍相隣最爲幽密

**橫龍寺** 在中洞有開山佛光禪師舊庵基在焉唐白  
居易有詩一絕云月射冷光新殿宇風敲清韻古杉  
於山師寶額因何立笑指橫溪有臥龍

**高臺惠安禪院** 在後洞妙高峯下與方廣比隣山勢

幽邃景物與山前不侔 本朝賜今額寺前五十步  
正險絕處石上有迹如車轍狀記云昔五百羅漢居  
此聞惠思和尚將至乃相謂曰山主即至我輩當避  
之遂徙他所今轍跡尚存記云乃鬼運糧以供厨饌  
又西有水源自崑下出莫知其所自號靈源宋宗炳  
有庵在靈源之上今芭蕉庵是也尚存基址寺有二  
石佛迹各長尺八闊六寸足底有二隋求并印皆如  
篆文云自西來衡陽令張鈞題高臺詩云萬仞孤高  
處煙雲縹緲間靈源聲不斷轍跡藪爛班山鳥應無

畏溪雲常自閑凭欄長縱目回首厭塵寰東北有  
牧庵乃忠道者居之不修梵行好夜遊崑谷不畏蟲  
虎寒暑不侵值風雨亦無莎笠常正言以伸人皆有  
教化後住黃龍久之遷化

**方廣崇壽禪寺**

在嶽之西後洞四十里與高臺比近

在蓮花峯下前照石廩旁倚天堂傳記云梁天監初  
有僧希遁因度夏天台遇惠海尊者朝昏承事之海  
云汝當於南嶽方廣寺爲會洎遁至南嶽訪方廣則  
無之後忽值一精舍號方廣有鬼神運糧金牛服乘  
俄見海師出門問曰汝何來之遲也遁願留海云此  
五百尊者所居汝居處在西北峯頂留一宿而去出  
門已失尊者及方廣矣遁即如其言結庵其處後建  
方廣寺 本朝賜崇壽爲額今所謂聖壽寺基是也  
中夜嘗聞鐘磬聲出山谷見聖燈元豐中山洪暴發  
乃紀和尚開山卓錫移建今寺李白詠方廣詩一絕  
云聖寺閑棲睡眠醒此時何處最幽清蒲窻明月天  
風靜玉磬時聞一兩聲

**保慶寺**

在方廣之西南鍾磬交音林木環逼

**靈洞寺**

在嶽之西北後洞乃高臺之前山也峯巒翠

窈嵐靄常蒸洞後接聲聞如巴峽獵者終不能捕往

性嶽神所護也。又有明水橋直上高嶺，有天成石塔，層級自然，高約五尋，下虛上銳，非好事者不能一訪。蓋懼路險而遠也。

**國清禪寺** 在後洞石廬，峯西下高臺之前山也。與靈川密隣，鍾磬相交。

**靈川護國寺** 在後洞，與國清比隣。

**明溪寺** 在馬跡橋之西，與金龜崑比近。去嶽七十里。昔有逸人李思善，居龜崑後，游羅浮，又有高僧惠鑒，居之，辟穀思善書齋，既廢，後僧更葺為梵刹矣。

**法輪禪寺** 在嶽之西南七十里，隸衡陽岫嶠峯下。晉

勝集四

三十三

咸和年，建號雲龍寺。隋大業末，高僧大明居之。至唐末，遷移山下，馬氏更名法輪寺，或云即馬氏之莊也。本朝太平興國中，改賜今額。環寺杉松數萬，每至風激，林響聲若海濤。寺有記石，唐岑文本撰，及韓愈有岫嶠山詩碑在焉。傳云：禹碑在此峯尖之上，樞密折公留題云：路轉崎嶇嶺，水藏委曲田。茂林深似海，古刹湛如淵。岫嶠未可到，禹碑真謾傳。西林歸歎莫欲去，又忙然寺有普容泉道人亭。

**西林禪寺** 去衡陽五十里，在嶽西南五十里。

**會善寺** 嶽之西南九十里，迺晉咸和年重理舊寺，乃

嶽中十八高僧禪會之所在會善峯下唐沙門惠日撰十八高僧傳卽陳惠思梁惠海隋智顛大善僧照惠成大明惠勇惠稠惠誠惠亶善伏曇楷義本義顛悟實道倫智明

**普濟寺**

在廟之西南八十里古龍王寺也

本朝大

平興國中賜額

**真觀**

去廟九十里在衡陽城北觀鎮大江有石鼓

後洞是朱陵之西門乃唐白真人董練師飛昇羽化之地仙人石恪有送殿直雷承昊奉命衡陽詩全篇云衡陽去此正三十一路程途甚坦然深邃門墻三

勝集

三十四

楚外清風池館五峯前西邊市井來商客東嶷汀洲簇釣舡公退只應無別事朱陵後洞訪神仙按湘川記此石鼓有時自鳴則兵革起或云盧龍推鼓入潭中盧龍名字未詳今驗以鼓亦云是盧龍廟不知立時年代至龍朔元年八月勅使道士郭行真醮岳因毀廟不祀從此之後爲郡人災患今時百姓重祠之至貞觀五年故齊相公於此山頭建合江亭唐杜荀鶴有題尋真觀詩云寂寂白雲門尋真不遇真祗應松上鶴便是洞中人藥圃花香異泉沙鹿跡新題詩留姓字他日此相親又大中祥符年有桂林樓霞洞

陽玄先生石仲元字慶宗住持道行超倫詩才振楚  
經營一新重建白雲軒下瞰青草渡前有白雲堂白  
蓮池愚自紹興丙寅度夏於是堂亦留四十字雖不  
足以髣髴其前賢但識朱陵之事爾詩云我愛瀟湘  
境觀對瀟湘門朱陵後洞天白雲堂裏客青草渡頭眠小  
艇牽紅鯉幽池種白蓮願真堪此地風月兩依然  
本朝景德中改賜今額

**石鼓寺**

在石鼓洞上下瞰大江與景德比隣今改爲  
書院景德辛酉憲使俞公重建規模宏壯

**東林寺**

近衡陽界乃唐徐安貞名地廟諱避朝廷事隱名

詠着居寺久之因起佛殿無人題梁安貞手作書勢

以視衆人寺僧令書之字迹遒勁觀者駭然後李邕

遊岳觀字驚焉召出同歸京此其故址也侍郎盧驥

題詩云秋山山脚一招提名與匡廬晉刹齊天地洗

根飛敗葉雲霞留影落鳴溪野藤交塢紫牛角羣茁

粘煙濕馬啼猶記採薇時節路柔桑鳴雉寺田西

**普賢觀**

在岫嶺峯南下當衡陽道左齊永明中道士

許嗣先張志曇開山至梁周靜真住持武帝師之雲

水奔湊俱是海上奇人講堂如市不虛過日帝賜名  
普賢至唐陳法明先生居之修行因獻麟符中召入



內不受柴籠乞還山封悟真先生 本朝宣和元年  
賜冲真

**無事寺** 在廟之西古傳云晉末所建

**福昌寺** 去廟西二十里側有龍潭與西明接隣

**西明寺** 在石廩峯下 北有西明洞舊有庵宇今廢

**玉清觀** 在石廩峯古去廟登山一十五里齊永與初

建陳真人諱惠度穎川人也初居茅山採靈異草禁  
貨之飲酒不食慳數年南游挑兩笈盡是金石之類

至南岳選其幽勝乃告天而盟鍊丹深夜被鬼所擾  
三揭丹鑪運石摧壓唯真心蟠石上誦黃庭經佩五

岳真形圖其志愈恪詎疾有感道力潛扶獲擒魑魅妖  
氣漸散其鬼戰慄悲泣真人復令豎石誓免戮鬼形

遠逐他界後丹成光氣滿山明徹遠近後服之以求  
明三年五月十三日中天重和元年 徽宗皇帝賜

號冲虛元妙真人今觀基頂有丹臺鬼栽石雷泓風  
穴誦經壇丹泉近代有僧於觀基創寺號光明不

久復廢 本朝乾道中有道士鄧時求道人黃守正  
二人發心開山伐木其茅慕化賢善之士新創殿宇

祈雨禳災並有感悟野人庵居重洽道化

**洞陽宮** 在石廩峯西北乃施真人伏鬼會具之所唐

陳法明應詔回於此峯下開嵩建壇山神爲之陰也  
南望雲陽旦夕朝真誦洞經後服丹而玄化今尚存  
基舊亦有庵宇

**洞門觀**在石廩峯西石榴峯南下去廟二十里昔施  
真人諱存自號胡浮先生或云婉盆子師黃盧子得  
三皇內文役御虎豹之術遁变化景之法或隱或顯  
數百年慕石廩洞門是吾冲真之地乃居之又於峯  
西石室造閣亘空十餘丈出乘白豹或步還山豹即  
迎之海嶽神仙時來聚會里域有景慕之者罕得親  
近以晉永康元年四月七日乘豹升天重和元年

晉書

卷

勝集

三十七

徽宗皇帝賜號冲和見素真人又有蜀人李昌利先  
生棲隱數年而遊天寶洞今但有控豹嵒餘基見在  
唐張九齡遊洞門題陳氏丹臺詩云雞頭西畔便門  
開陳氏丹升劫仞臺輓鬼昔年誠誓否至今猶說鬼  
有裁

**太平觀**在廟西二十五里瀑布山下齊禱伯玉誦太  
平經兼行太平之道奉勅建太平觀今廢又舊亦有  
庵宇

**岫峯寺**任碧岫峯下亦廢又

**臺觀**在岫峯西北傳云周穆王所建陳改爲太初

觀又云後爲寺亦廢久

**白雲興國寺**在廟之西二十二里正明年建太平興國中只以舊額爲賜

**楚寧寺**在廟西十五里乃南臺遷禪師瘞骨處唐宣宗謚無際大師見相塔二碑墨迹乃唐裴休相國建

**楚安寺**在廟之西二十里在雙峯之上古禪僧宴坐處記云山北有石室有逸人隱居但聞誦經聲廣明中值亂北入大酉山

**多寶寺**在廟之西南十八里古曰資福本朝太平興國中改賜今額

**雙峯禪寺**在廟之西二十五里峯巒回合如城郭之狀登山屈曲行一二里林木揜映頗極幽致在拾穗崑之西古有高僧惠叟居崑中每拾穗自給故號拾穗崑常有二虎名大空小空每拾穗斫薪汲水二虎負歸崑如人駈役遠近人不敢往開元中建太平興國中賜額依舊北有瀑布景色可觀

**雲龍寺**在雲龍峯下已廢久又有西真觀基

**承天禪寺**在廟西十五里本號上崑寺大中祥符年改賜能仁景色異常澗水噴漱石磴危峭林莽翳映前後相生面有巨石如屏風之狀唐韋宙書堂故基

尚存屢有野人居之有拾穗和尚塔在焉湘僧詠能  
仁一章云寺在重雲裏秋深夢轉勞檻前雙澗急門  
外一峯高谷鳥翻新樂崑松起暮濤何時拂衣去歌  
枕聽蕭騷

**靈巖寺** 在廟西七里馬氏天福年建近廢旁臨舜渚  
前有舜廟北有舜洞法雨池孔雀崑後有趙岍墨沼  
洎游憩之所西北有王母殿基下有石刻真人像王  
氏尸解處

**壽光寺**

基東有尼寺基南有龍洞

**止觀寺**

在廟西五里正臨大路宋顯德中吳僧慈光

大師之塔舊號禪林塔寺太平興國中改賜止觀與  
安樂保福攝授四寺鐘磬交音松竹合翠太常博士  
呂璿留題舜洞詩一章云萬古遺蹤今尚在南巡聖  
意竟如何八元等輩蒙恩厚却是湘妃恨淚多

**安樂寺**

在廟西五里清泰二年建

**攝授寺**

在廟西五里梁天監年建寺有一酌泉

**保福寺**

近已廢

**紫虛閣**

去廟西三里在天柱峯南下唐天寶年建馬

氏據湖湘復重修葺至 本朝天聖中得旨再修前  
後止號魏閣景祐中賜紫虛元君之閣六字爲額兼

賜襦褌之服并錢置田以贍道衆改政和五年改賜黃  
庭觀閣下有石壇閣文餘名飛流壇舊記云夫人昔  
自撫州乘之泚至此湘中記云壇高文餘昔元君騰  
輪之所憩杜天師拾遺云夫人壇是一巨石方丈餘  
其上闊圓其下尖浮寄他石之上九一人試手推即  
動或人多致力即跂然不動遊人至潔焚香以一指  
輕點之即微動今撫州山有穴深廣狀斯石也或云  
冲寂元君麻姑送夫人乘雲至此雲隊化爲石也一  
云麻姑石在觀之西山上按內傳夫人姓魏諱華存  
字賢安任城人即晉武帝左僕射魏舒之女封上真  
司命紫虛元君之職又加名山之封位約諸侯冲寂  
元君麻姑大仙爲其佐治今閣上亦有麻姑像與夫  
人並列晉咸和四年太一元君乘飈輪迎之升天其  
有靈文秘要百餘卷藏之於龍真澗石崑中今呼爲  
靈書崑時有老叟姓龐氏禮告曰願守靈壇得聽法  
語大仙叱曰腥穢畜類故癘境域之民乎取劍斬之  
遂走潛於西澗今曰龍真澗 本朝開寶中有閣主  
道士率子廉得道尸解事具下卷

**西靈觀**

在廟西二里湘中記云晉女貞薛練師冲舉

之處梁天監五年建觀至後周武穆公主周惠林者

生而有異光蒲室幼不如輩長思獨處慕元君薛練  
師緜仙姑之志因居石室感西靈聖母降傳經錄修  
三素之道潭衡之境士女景慕者數百人世代將亂  
告諸學者曰我當暫往約百餘年再來後學如市唐  
開元初賜額西靈後有女冠李太真曹妙本並接踵  
而住得道即今常住乃周公主所捨觀廢久馬氏復  
興 本朝特賜每歲度女冠一人以求續祿修

**淨居山**

在縣西二里竟海寺後飛泉噴響古木交陰

石路曲折崑上有庵蘿果樹昔有遊人到此崑下見  
有老僧古貌凌嶒身披破衲因詰之不顧良久云此

九

卷之七

四

乃淨居天也忽指四顧遂失所在崑有瀉洪亭憲使  
張公綬有詩一絕云瀉瀉石磴瀉洪泉路躡丹梯入  
紫煙崑有高人無間處庵蘿雙樹碧參天雖近郭而  
有塵外之境又山後有蛟窟在山中僧宗譽初至樂  
其幽閒以結庵有婦人數擾之嘗由是避之嶽寺不  
敢留紹興十一年僧善同始居之方有屋數間遊僧  
妙印者年二十八婦人來與之合明日自腰以下如  
冰數日死又有行者祖淵採木山中迷不能還凡五  
日忽得之於老虎崑中云一婦人令住此今出求果  
餌以飼我崑口甚窄僅容人身而其中頗廣蓋蛟所

穴也祖淵歸亦病是年四月幾望風雨暴至遍山皆  
黑雷電掣手旋屋外善同素不睡宴坐龕中夜且半起  
明燈聞有聲出龕下如鼓鞞然視之乃巨蟒蟠結數  
匝尾猶在戶外善同呼衆僧以杖擊之既去復還又  
擊之乃趨一大石罇欲入間震死山水大至衝屋室  
大半已而星月粲然詰旦視死蟒長丈二許圍數尺  
體皆黑方花紋祖淵即日發狂如歎惜狀數日亦死  
前後僧僕爲所殺者凡八人向時每夜山輒黑昏雖  
有月亦然自蛟死夜色始明今有塔數層屋數間  
僧行數輩

**澗翠寺**

唐韋宙相國所建

本朝賜額淨福寺枕湘

濱下有古潭

國家投金龍於此韋宙書堂寺僧常

葺之不絕以爲游人登覽之美西有喝灘神廟云昔  
石頭和尚坐禪於此水聲聒耳神爲喝之去嶽雖遠  
而事有可書治平中有主簿姓鄧者暇日訪泉石往  
處因至是寺推乃筇欲登山頂忽聞花木之香芬馥異  
常舉目而視於半山間有樓閣高下金碧互照上有  
牌曰慈湖真人之洞鄧方驚駭呼書吏譚英共觀之  
頃刻遂失所在記云此朱陵洞天之南門也

廖處士書齋據湘江之濱圖疑融數世能詩自唐云

祐木居此公有五峯集行於世嘗作詩云買得衡  
十里青是也水木澄秀地近而境遠寔湘中衣冠之

甲焉

嶽產珍木

香南木

黃心木

血栢木

榷子木

銀木堅白

梓木可作琴材

山柘木

土重木宜充神用

梧桐木

靈壽木

黃楊木

天蓼木春首開花蓋泡充藥

嶽產雜藥山果附

香白芷

柴胡

山豆根

秦艽

禹餘糧

石鷲子

芍藥

仙靈脾

雲母

黃藥子

白藥子

烏藥

石菖蒲

良薑

五味子

何首烏

大風藤

麥門冬

天門冬

狗脊

香膠

漏蘆

白芨

仙茆

白朮

苦葎

桂辛

山慈姑

吳茱萸

山芎

川烏

續隨子

鴛粟

麝本

茯苓

天南星

紫金藤

山大黃

半夏

當歸子部

百部

芎朮

饕麥

菊花

馬兜鈴

百合

水鱉

細辛



黃菁 兔絲子 葶藶 五倍子

瓜蒌 續斷 千年閏 木賊

茵草 山柰 卷栢 貫衆

地榆 薏苡 海金沙 石髮

菩提子 茶 蒔蘿 萬歲藤

肥猪 刺蝟 穿山甲 葶菜

大青 榷子 山胡椒 山核桃

山荔枝 羅漢果 櫻桃 山桂子

紗蘿花 五色蝴蝶花 白丁香花 山石榴花

山櫻花 紫荊花 芙蓉花 山桂花

春蘭 秋蕙 金鳳 銀鳳

嶽產草香 嶽產靈草

降真香 山檀香 青木香 石乳香

羅漢香 黃連香 兜萋香 楓香

天鱗草 金露盤 杏葉金線 銀線草

紫河車 金鏡草 紫背天葵 天苜草

紫芹草 長髮草 地不容草 金癩草

萬年松 仙人條 一名羅漢條 重臺金線 龍鬚草

紫背虎耳 紫背虎舌 錦背龍舌 隔河

紫背龍芽 紫背過澗 錦背石蒂 獨角山

金星鳳尾 金星石蒂 石蚕 山韭

嶽有靈禽異獸

音聲鳥 翔集成群羽毛五色

靈鳩 朝陽聚鳴音似張樂 白鷗

錦雞 馬熊 猪熊


猿 靈鼠 竹鼯 狗熊 麂麋

廵山二虎 護觀兩鷗

嶽有靈禽異獸







南嶽總勝集

(三)



南  
嶽  
樵  
集  
宋  
奉

南嶽總勝集卷下

世華

朝

正

五

叙唐宋得道異人高僧

隱逸附

不

宋  
金  
元  
明  
清  
等  
書  
影  
印

梁讎龔祖字仲遠吳人也居南嶽白馬洞幼而淳素不喜多言凡所觀視及接親友比日毅然正容而待之人不敢輕易者得汴流之妙往來荆襄二二百年人莫之測復入南嶽遊五峯遇至人服霧炁之法久之入雲陽山秦人洞居曰昔赤吾曾降此山乃朱陵之陽也於是誦黃庭玉經不輟弟子請之就邑之觀宇以便供侍先生云經曰何不登山誦我書人間紛紛莫如智吾謂吳智之所方境紛紜外則六鑿相攬內則三彭所擾昔魏夫人傳此玉經而東遷陽洛而成道代不乏人但恐虛之不極守之不篤則道無由成矣數年丙入九疑山白馬峯收然而住曰吾始於白馬洞而今終白馬峯必五只反真之地夫馬乃乾健浩然之炁白爲見素還元之方吾居焉忽一日謂門人曰吾將入室之後若有天炁異帝速來報吾翌日中午四炁澄清弟子報之而索沐浴焚香寂然歸真俄而輕舉遺帔於木杪時則貞觀元年夏四月也峯中卧席并坐壇經二百餘年而不潰弟子致之於觀真堂中供養



廖冲字清虛梁大通三年居連山郡以才德見稱爲  
本郡主簿後碎其印綬遊探道要居嵩高山久之過  
荆渚公安二神作妖起風浪阻船遂伏之令護船而  
渡至南嶽於融頂遇太平真君傳道要復謂二神曰  
吾居榔陽作丹可爲吾守鑪他日丹就汝亦有分丹  
成歸鄉常乘一虎執地爲鞭年二百餘光天二年風  
雲晦冥而昇舉

蕭靈護字天佑廬陵人也生五七歲能詩九所作皆  
塵外意十五好道裝遇三真人傳金丹胎息周訪名山  
負道書百餘卷常云欲昇南宮先度采陵迺遷訪洞

陽過嶽麓瞻登真人之像曰此山乃朱陵之一福地  
夜遇真人傳火鼎之術貞觀年汧瀟湘躬禮注生行  
法驅邪邦鄉得濟者不可勝計後居招仙觀鍊火鼎  
之術化黃白而外遊南之修其著宇爲之一新侯王禮  
敬請爲法主皆北面而事之後選其幽勝以鍊申丹  
凡經三壇方始鍊就後服之於弘道二年也秋謂門  
人曰吾行期已至當有所適不可淹留汝等精勤將  
有所繼遂尸解香氣滿室似有梵音聆於戶外經時  
而止

張惠明趙郡人結髮於中條山受法於元真觀常以

呪禁驅馳精魅後徙長安遇混元子受高奔之道行之功濟德備道學超群凡諸就席皆章甫之徒太宗詔之內殿致醮有感後乞歸山林上允勅住南嶽封妙濟大師忽一夕遇南嶽右英夫人傳抱一守真三五混合之要行之一紀復詔之西嶽以便問事後尸解

南嶽西園蘭若曇藏禪師養一靈犬常夜行次其犬啗其師衣師即歸房又於門側伏守而吠自奮身擊猛噬之勢詰旦東嶽有一犬咬傷數文張口吐氣甚酸熾然侍者請避師曰死可逃乎彼以毒來非以慈受毒無實性激發則強慈苟無緣寃親一揆言訖其蟒按首徐行倏然不見又一夕有盜犬亦啗師衣語盜曰草舍有可意物一任取去盜感其言曰去

何尊師者不知何許人也龍朔中居衡嶽不顯各氏其類若四十許行步如飛常往來蒼蒼梧五嶺間來無所慕去無所歎僅百餘年人常見之狀兒不改或問其氏族及年壽但云何何或詰其鄉里及修證亦云何何時人號曰何尊師衣弊履穿其心浩如也逸人因虛應鄧虛中嘗請曰尊師卒無言何以開悟學者則曰知不知者上不知知者病誰能鑿混沌之竅遺

自然之理耶遂杖藜而入林中須臾羣虎隨之不復見開元中司馬承禎遊南嶽祝融峯曰當有高山仙處之何氣色之秀異若此已而見尊師於林中出承禎致禮造問則據石而坐若無所覩時不見荅而退歎曰此可謂才全而德不形者也乃建庵於峯頂延之尊師就止復不出觀察使呂渭即其廬請傳符籙張太虛田虛應鄧虛中師事之皆不得其旨天寶二年下元日有雲鶴翔空異香芬郁謂弟子曰吾去之後當舉之於紫蓋南峯盤石之上遂化顏色不變弟子乃環衛行遷神之法中夕聞雷震聲即失其所在衡

唐則天朝徐敬業揚州相亂則殄討之軍敗而遁敬

業素養一人兒類於已而寵遇及敬業敗擒得所養者斬其元以為敬業而敬業實隱大孤山與同伴數十人結庵耕鑿不通人事乃削髮為僧其侶亦多削髮天寶初有老僧法名住括年九十餘與弟子至南嶽衡嶽寺訪諸僧而居之月餘忽請集僧徒懺悔殺罪各僧徒異之老僧曰汝頗聞有徐敬業乎則吾身也吾兵敗入於大孤山精懃修道今將命終故來此寺令世人知吾已證第四果矣因自言死期果如

期而卒遂葬於衡山

薛季昌漢州綿竹人世皆官族季昌幼不好榮不茹  
葷常布素酷於山水一日遊青城父母謂不遠而從  
之遂南遊桃源後遇正一先生於南嶽受三洞秘籙  
研窮真要屢感高真密降明皇詔母問道德而談辯  
通博上喜之乞回山上命賦詩贈之序曰練師志  
慕玄門棲心南嶽及登道錄忽然來辟願歸舊山以  
守虛白不違雅志且重精修若遇至人靈藥時來城  
闕也詩曰洞府修真客衡陽念舊居將成金闕要願

三清書雲路三天近松溪萬籟虛猶宜傳秘訣來

勝序下

四

候仙輿季昌住九真降聖觀復華蓋舊隱修鍊丹  
成一日忽謂弟子曰祝融今夕有真之會余被召當  
往遂凌虛而去不復回後建凌虛宮

鄧紫陽撫州南城人初居麻姑山後因省親山下逢大  
蟒欄路步固而逐之蟒化為劍遂得劍佩之性愈剛  
毅常負濟世之才每憇於溪壑之間誦天蓬呪不輟  
北帝遣神人授劍法遠訪南嶽朱陵謁青玉光天二  
壇禮籙真人夢有所感有劉有宗師之求傳禁呪而  
謂之曰石廩倒洞夕陽迷津山鬼群居昔吾祖馭之  
已經三百餘年今以生氣不正此類承之襲人汝後

建壇辟除兼內養浩然方冀仙階矣後明皇詔紫陽  
因內殿建醮破胡番封爲天師後尸解有宗依法建  
壇院於石廩下遂群兇奔他山

田虛應字良逸齊國人賦性朴拙吐露無忌諱開皇  
時侍親於攸縣以喧冗遷於南嶽躬耕於紫蓋峯下  
以盡子職凡五十餘年母既卅世乃遊五峯放志自  
適龍朔中州牧田侯於衡嶽觀建降真堂以居田干  
乘贊以分壁所受上清大洞法錄自正一先生傳薛  
天師天師傳虛應既承道要涉歷雲水爲友善者惟  
蔣含洪時呂渭揚馮皆使湖南嘗就訪高論潭州旱

祈雨之久不獲召虛應蓬髮弊衣至郡無言雨自下  
又嘗久雨不止郡守建壇于衡嶽觀默然岸幘而坐  
泊昇壇却霽元和中東入天台不復出憲宗時詔不  
起有歐陽平者道學亦高常兄事之一日夢三神人  
各持金鑪自天而降若有所召密謂人曰二先生不  
久去矣我必繼之未幾虛應果羽化蔣亦繼往門弟  
達者栖瑤馮惟良香林陳寡言方瀛徐靈府三人盡  
相聯而尸解

李忠慕成紀人與東楚董練師白先生結煙霞之友  
周遊三湘名山後訪南嶽五峯雖師範不同而各有

指歸白旣於石鼓上昇思莫入京師高力士佞吳兢而進之於明皇答問稱旨後乞歸山上厚賜錢行注清淨經行於世後玄化於紫蓋峯惟董混迹於衡陽後洞常以呪術治人病若有酬之者爲酒一醉爲妙於是无醒時醉卧衢路或溪谷遇驟雨而衣不濡凌嚴霜高皓如也數年巡門告人曰各好將息人皆訝之亦於後洞尸解如蟬蛻也唐杜甫有憶昔行詩末句云更訪衡陽董練師南游早鼓蒲湘柂

薛幽棲蒲州宝鼎人也性沈靜有敏識卓見修文學之暇好問方外事開元中及進弟年始弱冠調官陵郡尉秩未滿有林泉之興遂拂衣去服冠褐出入青城峨嵋久之遊鶴鳴山訪漢天師治所修行僅一紀而道无愈充天寶初復遊南岳卜修真之地乃晦其名氏於五峯之下游心於自得之場曠然无所繫而能和光混俗毀方尾合其於三洞經誥靡不該覽故幽人逸客嚮風稟受日集于左右而師辯論宏博隨其性根各有發明進玄微論三卷上明皇稱首賞其達悟未幾尸解注靈寶於世今凌虛宮有天香臺乃注經之所曉夕雲煙起如香繚繞

唐若山魯郡人先天中歷官尚書郎連典劇郡開元

中出守潤州頗有惠政遠近稱之若山好長生之道  
令弟若水爲行岳道士焉兄同得胎元谷神之要嘗  
詔入殿後求歸山詔許之若山後揚子江中乘五  
色霧而仙其弟尸解於南嶽

申泰芝字廣祥其先洛陽人也因守官湖外世代寓  
居長沙後散徙四方其遠近欽慕泰芝下居邵州仁  
風村柳塘數世皆修慈惠自幼夔夔不與親友交好  
讀書常清儉遊息南岳訪神仙之事一夕於融頂遇  
真人傳金丹火龍之術歸煉丹雲山之北余胡之頂  
積有年矣大藥已成功行俱備而能乘虛神遊隱顯  
出入縲有神異人不可測開元二十六年歲在戊寅  
八月十六日明皇詔近臣曰朕昨宵中秋夜寢夢有  
神人告朕言湖南邵州雲山有道人煉丹得仙若禮  
遇之可爲國師

宰相劉晏少好道術精懇不倦而无所遇嘗聞異人  
多在市肆間以其喧雜可混迹也因遊長安至一藥  
鋪偶問曰常有三四老人紗帽拄杖來取酒飲訖即  
去兼覓藥看亦不多買某意非凡俗者劉公曰早晚  
當至曰明日合來劉公平旦往少頃果有道流三人  
到引蒲飲酒談謔極歡旁若無人良久曰世間還有

得似我輩否一人云王十八逸去自後每記之不可  
求及作刺史往南中過衡山縣時春初風景和暖吏  
冷淘一盤香菜茵陳之類甚爲芳潔劉公異之告郵  
吏曰側近莫有衣冠居否此菜何所得荅曰縣有官  
園子王十八能種所以館中常有好菜蔬劉公忽驚  
記所遇道人之說乃曰園近遠行去得否曰即館後  
遂往問見王十八衣犢鼻灌畦狀兒山野墜劉公趨  
拜戰慄漸次問其鄉里家屬曰飄蓬不省亦無親族  
劉公益異之令坐索酒與喫固不肯却歸乃詣縣自  
請同往嶺外縣令都不喻當時發遣王十八亦不甚  
拒破衣草履登舟而行劉公漸與之熟令妻子見拜之  
同坐茶飯形容衣服日益穢敝家人並竊惡之夫人  
曰豈茲有異何爲如此劉公不懈去所詣數百里患  
廟朝夕困極舟船隘窄不離劉公之所左右掩鼻罷  
食不勝其苦劉公都無厭忌之色但憂慘而已勸就  
湯粥數日遂斃劉公嗟歎涕泣送終之禮無不精備  
乃葬於路隅後年官替歸朝却至衡山縣縣令郊迎  
旣坐曰使君所將園子去尋却來應是不堪駭使劉  
公驚問何時歸曰後月餘日即歸去奉處分放回劉  
公大駭當時步至園中茅屋雖存都無所覩隣人曰



王十八昨夜去矣。怨恨加甚，向屋再拜泣涕，而反齒其到縣之日，乃途中疾卒之辰也。遣人往發塚瘞所，空存衣服耳。數月至京城，官居朝列，偶得重疾，近至屬纊。家人妻子圍視號叫，俄聞扣門甚急，閤者走呼曰：有人稱王十八令報。懼躍迎拜，王十八微笑而入。其卧所疾已不知人久矣。乃盡令去障蔽等，及湯藥自於腰間取一葫蘆，開之出藥三圓如小豆，大用箬筒引水半甌灌而搖之。少頃腹中如雷鳴，遂巡開眼。蹙然而起，都不似先有疾。夫人曰：王十八乃涕泗交下，牽衣再拜，若不勝情。妻女及僕使並泣。王十八懷然曰：奉愧甚，情故來相救。此藥一圓可延十載，至期某却來自取啜茶一碗而去。劉公因請少淹留，不可又欲與之金帛，復大笑。後劉公拜相，兼領鹽鐵坐事。貶忠州三十年。一旦有疾，王十八復來曰：要見相公。劉公感歎頗極，延入閣中，又懇求。王十八曰：所疾即愈，且還其藥。乃以鹽一兩投水飲之，大吐吐中有藥三圓，顏色與三十年前服者無異。王十八索香湯洗之。劉公堂姪侍疾側，遂攫其二圓吞之。王十八熟視笑曰：汝有道，繄我固知為汝掠也。趨出而去，不復言別。劉公尋痊，復數月有詔至，乃卒。

高僧懶殘者唐天寶初衡岳寺執役僧也食退即收  
所餘而食性懶而食殘故號懶殘也晝專一寺之工  
夜止群牛之下曾無倦色已二十年時荆侯李泌寺  
中讀書寮懶殘所爲非九物聽其中宵梵唱響徹上  
林李泌情頗知音能辯休戚謂懶殘經音悽惋而後  
喜悅必謫墮之人通名而謁懶殘大詬覲面而唾曰  
是將賊我李公愈敬之唯拜懶殘正撥牛糞出芋啖  
之良久而曰可以席地取所啖芋之半以授焉李公  
盡食之後謂曰慎無多語領取十年宰相公謝之而  
退後月餘刺史祭岳崇道甚嚴忽中夜風雷而一峯  
摧倒九山路行所石橫遂以十牛縻絆以挽  
之又以數百鼓噪以推之人力竭而石愈同更無他  
塗可以修事懶殘曰不假人力略試去之衆皆大笑  
以爲狂人懶殘曰何在見嗤試可乃已寺僧笑而許  
之遂履石而動忽轉磐而下聲若震雷山路旣開衆  
僧皆羅拜見者皆呼至聖刺史奉之如神懶殘悄然  
乃懷去意寺外虎豹忽尔成群日有傷無由禁懶殘  
曰授我筥爲尔盡馱除衆曰大石猶推此物容易因  
與之荆挺皆躡而觀之才出門見一虎銜之登山虎  
之人歎其不免數初懶殘居岳久之嘗作歌其略云

世事悠悠不如山坵青松蔽日碧澗長流山雲當  
夜月爲鈎卧藤蘿下塊石枕頭不朝天子豈羨王侯  
死生無慮更復何憂水月無形我常自寧万法皆尔  
不死不生兀然無箇事春來草自青其後李泌果入  
相一云懶殘在石廩伏山妖而售寶被訟獄中卒乃  
尸解也

衡山隱者不知姓名數因賣藥往來衡岳寺寄宿或  
時四五日無所食僧徒恠之後復賣藥至僧所衆見  
不食知是異人敬接甚厚會樂人將女詣寺其女有  
色衆欲取之父母求五百千莫不引退隱者聞女嫁  
邀僧往看喜欲取之仍持金兩錠正二百兩謂女父  
曰此金直七百貫今亦不論付金畢將去樂師時充  
官使倉卒便別隱者示其所居云去此四十餘里但  
上山當知也女父母事畢憶女乃往訪之正見朱門  
崇麗扣門隱者與女俱出迎接初至一食便不復饑  
留伶五六日亦不思食父母將還隱者以五色箱盛  
黃金五錠贈送謂父母曰此間深遠不復人居此後  
無煩更來也其後父母重往但見山草荒蕪不復人  
居方知是神仙之窟

李泌者肅宗朝隱於衡山詔給三品祿賜隱士服爲

治宮室必嘗採松脂以隱皆名曰養和後得如龍形者以獻帝幼曾作詩云天生五岳地載吾天地生吾有意無不然絕粒昇天衢不然爲珂遊帝都焉能不貴復不去空自昂藏一丈夫一丈夫兮一丈夫平生志氣多良圖請君看取百年事業就俯舟泛五湖庵基見在煙霞峯得玄和先生秘語懶殘開發道業兩全其詩末句已先見也

俞靈瓚者河間人居衡山九真觀後學道十餘年南岳赤君憫之傳回風混合之道及守明梁之法二十年能坐見天下事如視諸掌然自晦不爲異以驚人而人亦莫知有道者也與談說多及四海九州遊歷事其見常若三十許人元和中郴州官吏迎候太守因集于觀門靈瓚衣弊自若人見之亦不甚禮待忽歷諸官吏說其祖父名氏狀兒性情職掌年壽皆中衆驚異而禮之且曰我偶然耳非所知也遂入閉閤不出雖懇之再三亦不復有言方知其異人常誦大洞經或絕粒或飲酒有潘老仙遊岳與靈瓚甚款常養一龜廣四五尺力可敵十人見者畏憚靈瓚乘之入九疑山樵者時見之

昔舜時有鳥如雀自丹州來吐五色之氣氤氳如雲

名曰憑霄雀能群飛銜青砂珠輕細風吹塵起名曰珠塵今蒼梧之外山人採藥時得青石圓如珠服之不死帶之身輕元和末仙人方回遊南嶽遇之七言贊曰珠塵圓淨輕且明有道服之得長生王子年曰雲密峯流洲岸亦有此珠遊人嘗得服之不死

劉元靖武昌人師王道宗傳正一籙未幾道宗將告寂以所有均遺諸門人元靖惟收圖書既葬於東山晴夜有光出墓中高十數丈元靖異之遂開葬及發棺但遺衣被而已始知其師得道元靖感悟泛洞庭遊武陵夏二司子而子志主因魏夫人仙壇乃有卜

十一

居意自壇東尋峻峯上十數里見一石穴南向闕以爲居引泉環流伐木誅茆前建小閣棊局茶竈鑿石而成使君韓曄遊此命其閣曰會仙常以百榼醞酒雖絕粒煉氣而一飲斗餘寶曆初敬宗求方士監軍呂令琮邀至潭州先生曰某有山妻侍妾以牛肉爲命若以爲術士恐將軍有罔上之名因請彘肩自剗以蒜菹而食之令琮愈疑因爲摩足乞行先生不得已上道以十二月一日到京便召於司政殿敬宗問以神仙之事師曰無利無營少私寡欲修身出世之旨也上不悅而難作文皇放歸山李訓焮用董昌齡曰

交廣乘傳過岳下禮先生先生曰觀中丞王氣未動  
不宜有此行且徐之昌齡因緩轡入商山訓果與亂  
朗州刺史唐仲妻病求符於元靖遂戒來者曰此符  
當示使君無先於夫人使還伸已殂矣夫人自愈櫓  
嘗問先生門人趙中閑曰先生言董唐之事如目擊  
中閑曰先生在山中多年境靜忽忽有所見亦無指  
定之說會昌三年武宗奉玄元之教將除佛寺徵先  
生赴闕及對見武宗見神兒清古改容欽敬因問佛  
法傾烈祖之風朕欲去之先生對曰釋氏又遠將邊  
絕可漸革其弊卒有變更即驚眾害事却不利於道  
明又問金丹之術先生對以至靈之物非深山獨往  
之事不可得上曰師其得之耶又對曰如臣期欲得  
之今實未有得得即陛下不可見矣上賜練百疋及  
米麥鉛蜜止于太清宮時召入訪道每有恩賜先生  
立捨與監引勅使及諸門至望仙門則已空手矣五  
年秋武宗微疾將傳法錄內臣以趙歸真有私累嗜  
貨財推先生清淨可爲帝師遂召入內居靈符殿武  
宗問受錄盟信歃血之事先生對以至尊最重莫過  
於誠敬齋誠陛下七日齋三日戒自可朝帝王帝矣不  
合以金玉髮血爲信勸髮歃血非帝王之事金玖白

壁非至尊之寶當時以爲中論及事畢除銀青光祿大夫崇玄館大學士號廣成先生別築崇玄館以居之後乞還山時上亦欲令茅山投龍遂許自茅山歸南嶽武皇大漸道者許元長趙歸真輩十餘人皆處極法上獨詔觀察使存問賜之束帛香茗等初九真觀道士周混汙在岳中事望亞於先生朝之未徵先生也有衡岳觀道士毛太玄嘗夢真官執錄自天降云以混汙爲大羅觀主太玄因曰劉先生曷不先徵乎真官曰劉君世業未盡徵則役爲仙官更不爲修行人矣果如其說先生自朝歸岳歎曰吾今爲地仙數百年恨不能脫身爲二帝所累今以計不及矣大中五年冬十月有雲鶴頻降未幾去世聞天樂浮空及遷神日惟杖屨在弟子呂志真亦得其道

謝修通宜春人也稟性和雅不好裝飾聞善則喜見惡如探湯奉母至孝常懷悅色一夕夢冠褐者曰子骨相非凡何不出家學道遂告母允之於是詣南岳投衡岳觀潘如松爲道士而寄籍焉因遊五峯尋訪靈迹一夕夢神人曰朱陵洞府未合居之後五十年再得栖此東有玉峯洞天福地亦朱陵之憲司子宜處之將有所遇於是修通省親而告母曰今值儉

歲時凶艱於給用昨有所感宜往玉笥洞天可以修  
眞若何母諾之遂有興其母往玉笥山穴居數年母  
旨之奉棗栗芋菜黃菁百合其後母即世榮葬訖母  
居三紀遇梅蕭二真人傳道行之後蟬蛻于清虛館  
之東隅復入南嶽隱真於洞靈原果五十年矣

元和中  
有柳實元微者居于衡嶽二公俱有從父爲  
官浙右爲理疾人連累各竄于驩愛之州二公共結  
行邁而徃省焉至于廉州白浦縣登州而欲越海將  
抵交址艤舟合浦岸夜有村人饗神簫鼓謔諱舟人  
與二公僕使咸徃觀焉夜將半俄颶風起斷纜飄于

三

卷下

大海莫之所適俄抵孤島而風止二公愁沮而陟焉  
見玉天尊像瑩然于案所有金爐香燼而別無一物  
二公周覽次忽覩東海上有巨獸出首四頤若有俯  
聽良久乃沒去遂巡有紫雲自海而湧出蔓延數百  
步有五色芙蓉高百餘尺葉葉而綻內有帳幄若綺  
綉雜錯耀奪人目見虹橋忽展直抵于島上俄有雙  
鬟侍如捧玉盒持金鑪似蓮花而至于天尊所易其  
殘燼炷以異香二公見雙鬟叩頭再拜辭理哀懇求  
反人世雙鬟不荅二子請益良久女曰子何人而致  
此二子以事告女曰少頃有玉虛尊師當降此島與



南溟夫人會約子堅請之將有所遂言訖有道士乘  
白鹿馭彩霞直降于島上二子拜而泣告天師憫之  
曰子隨此女而謁南溟夫人當有歸期無慮尊師語  
雙鬟曰子暫修真畢當詣彼二子受教至帳前行拜  
謁之禮見女子未笄衣五色文章二子告以姓字夫  
人哂之曰昔時天台有劉晨今有柳實昔有阮肇今  
有元徹莫非天也設二榻而坐俄頃尊師至夫人迎  
拜遂還坐有仙娥數輩奏以笙竽簫笛傍引鸞鳳  
合節奏二子恍若夢于天鈞則人世罕聞見也遂  
命飛觴忽有玄鵬啣彩牋自空而下曰安期先生知  
尊師赴南溟會暫請枉駕尊師讀之謂玄鵬曰尋常  
至彼尊師語夫人曰與安期先生間閱千載不值南  
游無因訪話夫人促侍女進饌玉器光潔與夫人輩  
食而二子不得饗尊師曰二客未合饗然為致人間  
之食而食之夫人曰然則進饌乃人間常味也尊師  
食畢懷出丹篆一卷而授夫人夫人拜而捧之遂告  
回謂二子曰子有道骨歸不難然邂逅相遇合有靈  
藥相貺但子宿分自有師吾不合為子師尔二子拜  
尊師遂去夫人命侍女曰可送二客去曰所乘者何  
侍女曰有百花橋可馭二子感謝拜別夫人贈以玉

壺一枚高尺餘夫人命筆題玉壺詩云來從一葉舟  
中來去向百花橋上去若到人間扣玉壺鴛鴦自解  
分明語俄有槁長數百步欄檻之上皆有異花二子  
於花間潛窺見千龍万虬迺相繳繞爲槁柱石有使  
者曰吾不當爲使而送子蓋有深意欲奉託強爲此  
行襟帶間一盒子盒子中有物隱隱然如蜘蛛形狀  
謂二子曰吾輩水仙也水仙則陰也而無男子吾昔  
道遇番禺少年情之至則有子未三歲合弃之夫人  
命與南岳神爲子其來久矣中間南岳回鴈峯使者  
有事于水府回日憑寄吾子所弄玉環往而使者隱  
之吾頗爲恨二君子爲持此盒子到回鴈峯下訪使  
者廟而投之當有異變儻得玉環爲送吾子吾子亦  
當有報効尔慎勿啓之二子受之謂使者曰夫人詩  
云若到人間扣玉壺鴛鴦自解分明語何也曰子歸  
有事但扣玉壺當有禽而應之事無不從意又曰王  
虛尊師云吾輩自有師師復是誰曰南嶽太極先生  
尔當自遇之遂與使者別槁之已盡達昔日合浦維  
舟處回視之無槁矣二子詢時代已十年也驪愛二  
州親屬殂矣二子惆悵問道將歸衡山中途凶以手  
扣玉壺遂有鴛鴦語曰當飲食前行自遇俄頃道盡

有孟餽饌羅列二子食而飽數日尋即達家昔日董  
稚已弱冠然二子妻各謝世已三日家人輩悲喜不  
自勝人云郎君已沒大海服闋已九秋也二子似厭  
世體已清虛觀妻之喪不甚悲戚因相共抵回鴈峯  
下訪使者廟以念字投之條有黑龍長數丈激風噴  
雷折木拔屋霹靂一聲廟宇立碎二子戰慄不敢熟  
視空中乃有擲玉環者二子取之而送于南岳廟及  
歸有黃衣少年持二金盒子各到二子家曰郎君持  
此藥曰反蒐膏而報二君子家有斃者雖一甲子猶  
可塗項而活受之而少年忽不見二子遂以活妻後  
共尋雲水訪太極先生而曾無影響悶然而歸因雪  
見老叟負薪而賣二子哀老年而寒飲之以酒睹薪  
檐上有刻太極字乃疑異之禮為師持玉壺以告之  
叟曰吾貯玉液者此壺也往來數久甚喜遂拉二子  
同上祝融峯更不出疑自此皆得道也

東陵聖母廟主女冠道士康紫霞自言少時嘗夢中  
被人錄去一處言天符令攝將軍巡南嶽遂以金鎖  
甲令騎導從千餘人馬蹀蹀南去須臾至獄神拜焉  
前夢中如有處分獄中峰巒溪谷無不歷也恍惚而  
返雞鳴驚覺自是生髮類數十莖

馮惟良字雲翼湘人也修道於南嶽中宮與徐靈符  
陳寡言爲煙霞之友香火之外琴酒自娛久之就降  
真堂師田先生又三洞秘訣治病痊毒於元和中侍  
師東入天台山而得道

唐貞元年南海貢盧眉娘年十四眉如綠且長故有  
是名眉娘幼而慧悟工巧無比能於一文絹上繡法  
華經七卷字如粟粒而點劃分明又善作飛雲篆以  
絲一約分爲三段染成五色結爲金蓋其中有一十洲  
三島臺殿麟鳳之像而執幢捧節童子亦不啻千數  
順宗歎其工謂之神度爲道士賜號逍遙勅住南岳  
魏閣久之告期而羽化

先生呂志真不知何許人也廣成先生之弟子內潔  
而外和終日而閒坐似不能言者居南嶽隱真岩十  
餘年此後每歲一至京師遊瀟湘謁諸門人之家常  
荷二大瓢藥物服飾經錄道具皆貯之善以藥術救  
人入林谷間虎豹馴之人問其道則默無所對出商  
山道中忽失色不前人皆訝之且曰前有剽掠者來  
果見兵刃至志真謂賊曰此行皆吾弟子無得干之  
其徒斂衽避路不復敢前又至一谷口曰此有害人  
之物同行欲見之遂於林中以繩繫二虎而出由是

知志真深得廣成之道嘗云先生初居石室時所處  
皆隘一夕致醮山開數丈其中平敞有黑豹馴繞  
衡嶽西原近朱陵洞其處險絕多大木猛獸人到者  
卒迷路或遇巨蛇不得進長慶中有頭陀僧悟空常  
裹糧持錫夜入山林越屍侵虎初無所懼至朱陵原  
遊覽累日捫蘿垂踵無幽不跡因是跡折憩於崑下  
長吁曰飢渴如此不遇至人勿見前崑有道人坐繩  
牀僧詣之而揖不動因默念其無賓主意復告以肌  
因道人忽起指石地曰此有米及鏤斲石深數寸令  
僧探之得陳米斗餘即置於釜承瀑水敲火煮飯令  
僧食一口未盡辟以未熟道人笑曰汝食止此可謂  
薄食我當畢之遂喫硬飯又曰我爲汝設戲乃覩木  
梟技投蓋危石猿懸鳥跂其捷閃目有頃又旋繞繩  
床蓬轉渦急但覩衣也成規倏忽失所僧瞻歎尋路  
歸寺已經一年更無飢渴後亦修道不知所終

聶師道字宗微新安歙人也性敏悟而謙謹侍親以  
孝聞事問政山于方以十餘年傳法錄及脩真之要  
因覽道傳有服松枝之法乃採松脂于百丈山夜宿  
於崖之巔相望三十里有石金山忽聞仙樂起於東  
南徐徐至石金山自中夜達旦而止翌日往訪之皆

同或曰採藥而聞仙樂豈非得道之兆耶後遊南嶽  
禮青玉光天二壇寓招仙觀辟穀七日入洞靈源訪  
彭蔡真人舊曰隱山行抵晚溪上見一樵人坐問師道  
子獨何往對曰聞彭蔡真人隱此願一禮謁樵人曰  
蔡真人所居不可到日將暮矣且行過此山東有人  
家可宿言訖荷樵入溪去水甚淺師道往則深矣稚  
人回顧曰五十年方得過此師道遂東行十餘里至  
草舍一所籬落雞犬見一人狀兒類農者年可三十  
許謂師道曰此來何求對曰尋彭蔡真人曰路上見  
樵者否曰然曰此乃蔡真人也師道驚歎曰遇仙人  
而不識豈非命也因留宿榻下有鑪中有湯鼎存焉  
後有數磁盒環列謂師道曰置米未回盒中物可以  
喫從意取之師道曰遊山尋訪不以飲食為念於是  
揭一盒視之乃茶也以湯點喫甘香異常再揭則不  
復開諸盒亦然師道不敢言因就寢曰高主人未興  
師道訝而潛行約十數里逢一老人邀坐石上問曰  
具以對老人曰蔡真人父子俱隱此山昨夜所宿之  
處即其子也又曰汝道然但濃而骨未就因折草一  
莖與師道莖若薑苗長尺餘味甘美復令飲泉水辛  
頭忽失所在自是喫草茶後竟悉力輕進以愈於來時

獲招仙觀道教驚駭異曰去已月餘何如是之久  
山中無居宿處師道自驚曰才經一宿具以所見白  
之道教復歎曰吾輩居此觀徒爲學道子一入山三  
逢仙人一宿已經月餘矣老人乃彭真人也既見蔡  
真人父子又遇彭真人得非修習之至耶久之以省  
親歸問政山每採樵斫藥皆以虎豹力歸毋喜曰汝  
以孝養我道資我亦幸爲汝母已而復遊玉笥清  
虛訪梅蕭二真人三遊郁木坑冀一見之山行或逢  
一布衣烏帽顏若五十許人師道問以梅蕭二真所  
在且曰吾乃謝修通也吾居南嶽洞靈源與彭蔡同  
隱二百餘年知汝嘗遊南嶽我適被秦華君所命爲  
玉笥山地仙兼管清虛館爾與我系有道緣故得相  
見言訖忽不見師道復洞靈源已五十年矣

相衛間有僧自少博習經論善講說每有誦經自謂  
超絕然而聽者稀少財利寡薄如此積年具僧不憤  
遂將經論遍歷名山以訪知者後遊河外至南嶽衡  
嶽寺憇泊月餘常於寺閉齋獨坐尋譯經論又自咎  
曰所曉義理無乃乖於聖意乎沈思之次忽舉頭見  
一老僧杖鋤而入曰師習讀何經論究何義理僧疑  
是異人乃述其由兼自咎曰若遇智者必別此事即

錫口結舌無復開演耳老僧笑曰師識至廣豈不知此義大聖猶不度無緣之人况其初心乎師只是與衆人無緣耳僧曰若然者豈終世如此乎老僧曰吾試爲汝結緣因問師今有幾資糧僧曰自祖南方歷行萬里糧食所費皆已竭矣昨抵南岳只有大衣七條而已老師曰只此可矣可賣之以所得直皆作糜餅油食之物僧如言作之約數十人食相與持之平野之中散掇此物焚香長跪呪曰今日食我施者願當來之世與我爲弟子我當教之得至菩提言訖烏鳥亂下啄食地下螻蟻復不知數老師謂曰尔後二十年方可歸開法席今且周遊不用講說也言訖而去僧如其言後二十年却歸河北開講聽徒動即于萬人皆年二十已下其老壯十無一二焉

唐時有一僧居于南岳見一物綠毛覆體直至座前僧曰貧道禪居不撓生靈神有知无相惱也此物曰子知有晉宋乎僧曰自晉至唐四百年矣其物曰子知有姚泓乎僧曰吾聞泓已死矣其物曰找即泓也其時示之以死脫身逃遁游行洞天福地惟食柏

葉遍身生毛

唐代宗時有高僧法照爲国師乃言其師南岳大長



老有異德天子南嚮而禮之度其道不可徵乃各其  
居曰般舟道場用尊其位始居山西南岵之下人遺  
之食則食不遺則食土泥如草木其取衣類是南極  
海裔北至幽都來求其道或之崖谷羸形垢面躬負  
薪櫛以爲僕後數年功成道備人皆負布帛伐木  
石委之岩戶不拒不營祠宇旣具德宗申詔褒立是  
爲彌陀寺施餘則與餓疾者不尸其功邊洞元洛陽  
人於嵩山萼嶺遇道後醉酒風狂混塵一旦歸洛陽  
承醉入水不復出而後有客自衡湘來洞元於南嶽  
山託附書呈洛陽其法屢交友叙舊及墨迹乃洞元  
親染人皆曰水仙

一  
卷  
下

一  
卷  
下

長慶中有馬拯處士性閑清虛好遊山水不擇險峭  
盡能躡攀居于閭中因詣衡山祝融峯伏虎師佛堂  
道場巖紫果食馨香兼列白金三笏于佛榻上見一  
老僧眉毛俱白林野魁梧甚喜拯來拯使一僕挈其  
囊僧曰暫請郎君僕夫至近縣市少鹽醯拯許之僕  
乃持錢下山去僧旋亦不知所向續又有一馬沼山  
人亦獨登此來見拯甚相慰悅沼告拯曰適來中道  
遇一虎食一夫不知誰氏之子說其服節即拯僕使  
尔拯大駭沼又云遙見虎食人盡乃脫鞞衣衣禪衣

乃老僧也拯愈怖怯及沼見僧曰只此是也拯白僧  
曰馬山人來云某僕使至半山路已被虎食如何僧  
怒曰貧道此境無虎狼草無毒螫路絕虺虺林絕  
鷓鴣無信侶語耳拯細窺僧口吻猶帶殷血而不欲  
言二人踰其食堂穿扉其戶明燭伺之夜深聞戶外  
有虎怒首觸其扉者二四類戶壯而不墮二子懼而  
焚香虔誠叩首於堂內土偶賓頭盧者久之聞上偶  
吟詩曰寅人且弱攔山一水午子須分良畔金若教特  
進重張弩過後將軍必損心二子聆之而解其義曰  
寅人乃僧虎也攔中水即井也午子即我也良畔今  
而銀也其下兩句即不能解及明僧扣門乃曰郎君  
起來食粥二子方敢起闔食糜畢二子計之曰此僧  
且在我等無敢下山去乃召僧窺井中云有怪物僧  
細視次二子推僧墮井乃化為虎以巨石鎮之而斃  
二子遂取銀三笏而下山僅昏黑而遇一獵人於道  
旁張弰弓了上其樹而為棚居之語二子曰無觸我  
機兼語二子曰山下猶遠虎方暴何不且上此棚來  
二子慄慄遂攀緣而上將欲入定忽三五十人過或  
僧或道或丈夫或女人歌吟者戲舞者忽至弰弓所  
衆怒曰朝來已被二賊殺我禪和今乃追捕次又敢

有人張我將軍遂發其機而去二子並聞其說因誌獵者曰此是佞鬼乃虎食之人也爲虎前呵道耳二子因徵獵者姓氏曰進姓牛二子大喜曰士偶詩下句今有驗矣牛進即特進也將軍即虎矣遂勸獵者重張其箭獵者然之絕却登棚果有一虎咆哮而至前足觸機箭乃中其第三班貫心而踣遂巡詣佞鬼奔走却回伏其虎前哭甚哀曰誰人又殺我將軍二子因怒而叱之曰汝輩無知下鬼生遭虎噬死吾今爲汝報讎不能慙謝猶敢慟哭豈有爲鬼不靈如是遂悄寂忽有一鬼荅曰都不知將軍乃虎耳聆郎君之說方大惶悟斃其尾而薦之感謝而去及明二子分白金一笏與獵者而歸出傳奇

向子文長沙人寶曆中得官衡州貧不能歸夢山水之勝一旦謁嶽神廟時當盛夏留宿旬餘忽有一人青巾紫裘面如琢玉神色威整鬚眉如畫子文異之骨相非凡翊旦往見問之乃曰余龔慶長也世家洛陽少遇司馬隱元于鳴皋山下隱元者自是委羽洞天之靈官也九五嶽四瀆洞天福地各有靈官主之較量功罪採訪善惡聞于九天使者府隱元謂慶長曰汝宿生常居要職有辨冤雪死之功當時士民陰

受汝賜逮朱泚僭逆伏節死事忠憤之炁毅然不墜  
故得再生爲人他時通悟之不能記憶矣九天使者錄  
汝之功命我授汝石精金光藏景錄形神劍之法中  
黃大一點朝之道因得度世近登紫霄峰望炁見嶺  
外妖炁欲往攘除經過嶽祠故來朝謁子文爲之  
致躬慶長顧侍者取琴鼓之其曲名曰金鯨躍海兩  
滴秋苛醉淘月白雲引之類音韻清越非凡聲也陪  
侍連日臨別子文再拜言曰幸得際遇欲從先生南  
遊可乎慶長曰未可也且當仕進更十八年中條山  
相見子文再拜乞言慶長曰學先乎功行逢時得志  
汝宜勉之至于吐納服餌乃其餘事子文懇請再三

三十九

卷五

二十九

慶長曰當俟後會子文曰更有教戒誓當累奉慶長  
沈思良久云汝父祖旅殯僧舍頗苦鬼役早卜吉壤  
以終大事子文流涕拜謝翩然而去

練師聶紹元幼而雅好詩書老莊文列一日詣金陵  
師方外高明昭受戒錄是夕夢入一城官府嚴肅中  
有失衣者按几謂紹元曰此司祿之所也可自開籍  
籍云聶紹元十八入道二十受上清畢法二十六往  
南嶽遂掩卷而悟久之自金陵還問政山築室以居  
不偶世俗自號無名子世多以練師稱之每侍極

勲瘁一日起沐浴曰我伯祖戒云吾家世世宜修煉可率勵勿忘太上教俄有四鶴集于屋又神光從空而下望見者疑爲人所焚即之則闐然無他但紹元已化矣四鶴與神光亦冉冉而去詰曰昇壯隸來云練師與三道士衣緋綠乘者從者數輩乘冠帶南去練師回首曰我往南嶽矣

潘發字文伯隴右人自幼參受法籙檄召鬼神行符施藥濟人病苦遠近稱之於元夜入靜請益南岳真官云昨天臘日東隣攝召東岳云已得開度南岳受生未審東岳攝覓考過南岳煉度注生復掌何事真官夢云五嶽方面分野之屬洞天福地名山淨廬各有主司人間功罪國之財賦器用泊水陸衆類火嶽管四瀆四足負荷之屬又云南嶽有赤脚仙人子勤修德必際遇之乃子師耳乃李守微也

北夢瑣道士秦保言勤於焚修嘗白南岳真君云上真何以須紙錢爲有所未論旣而夜夢真君曰紙錢即冥吏所籍吾又何須由是嶽中益信

湖南馬希聲嗣父位連年元旱祈禱不應乃封閉南嶽司天王廟及境內神祠竟不雨其兄希震入諫之飲酒至中夜而退聞堂前謚譟連召希震復入見希

聲倒立於階下衣裳不被其首已碎念從信扶上以帛蒙首翌日發喪以弟希烈嗣位先是八將周逵自南嶽親見江上雲霧中擁鉢希聲而去秘不敢言此女有物如黑幕突入堂前即時而卒

開寶年中子廉者本南岳之耕民獷戾愚無取衆皆謂率牛一日厭爲農時乃投衡岳觀李尊師出家未幾披戴爲道士後衆舉於紫虛閣住持非當其才但令彼洒掃而已子廉得此欣然而往常恃酒狂醉往往倒卧於衢路或山谷之間雖風雨暴作虎狼鬪見也也一日禮部詔帥臣王公爲性簡傲味山

卷之六

三十一

中道釋悉奔祗謁及行祭禮畢忽問左右曰吾聞有魏夫人壇安在對曰即紫虛閣是也有主否曰道士率子廉一人何謂不來參謁答曰子廉本山下之農夫殊無他能人皆以率牛呼之性好酒不來參謁必酒病也公乃逕詣閣見子廉果中酒首不能舉視其生涯只有破鐵銚及缺磁碗器數視而已外索然無覩公呼之但努目注視曰深山道士于遇酒遇酒則大醉所以委頓如此望明公不責公大喜以爲任真守朴信所謂道人也翌日與同舟而歸府置之於水閣中經月使之將行復謂之曰尊師韶光內映之人

也誠所珍重幾欲作成一篇耳王事所迫訖訖未暇  
五七日間詩成當令送上幸勿訝然子廉歸岳數月  
未聞至公一夕因觀書倦而假寢恍然見子廉遽入  
府主曾云許詩以五七日為約數月未聞得非事有  
所廢忘乎言訖逕去公竟甚懷感愧遂乃燈下為三  
絕仍加序以寄之詩曰古屋當崖映月閑年年常伴  
白雲閑餼糗丹火何從出四面無人見下山下瞰虛  
空臨絕磴上排煙霧倚山巔四邊峻絕無猿鳥獨卧  
白雲三十年八意道遙物莫知山中山下識人稀想  
君絕累忘塵境不是王喬即令威翌日命寫於版遣  
人賞送禹嶽懸於本閣子廉曰我則何用以慰閣之  
清虛尔本詩石在縣之江亭熙寧間碑為火所焚今  
銓德觀復刻石記之東坡居士序兼書紹興中住持  
黃庭觀道士陳子常再刻之於本觀閣下太平興國  
五年六月十七日子廉忽使人白衡岳觀李尊師云  
以他遊故來辟請令人來照管師得之云此人土木  
愚子盛夏何往遂親去訪之至則奄然師謂童行曰  
吾不料率牛先知其死日耶遂以禮瘞弁之未幾有南  
臺寺僧守澄自京師回於南薰門外忽遇子廉相叙  
契闊其詞甚優逸曰尊師歸岳中否曰思欲一看京

師臨行蒙尊師贖送甚厚欲奉一書致謝方大德爲  
達之還可不守澄遂領書往衡岳李尊師處開對之  
則六月十七日書也遂發其塚而觀之但遺一拄杖  
并鞵尔

乾德二年重修南岳廟祠繪鬼神及人馬尤多忽一  
日一時嘶噉旗纛盡皆倒而西指工人役夫皆怖仆  
于地良久方甦廟乃具事由申舉本州按驗得實然  
後飛奏考其月日破蜀之日也朝野莫不異之

樂學士史景德末爲西京留臺御史嘗夢一人具冠  
服稱帝命來召俄宮闕壯麗因問使者云此帝所也

既陞見帝謂曰主求嗣吾謂擇之少選一人至帝曰  
中原求嗣汝往勿辭頓首求免者再三帝曰往哉遂  
雄而去旁拱立者曰此南岳赤脚李仙人也嘗酣于  
酒明年果生 仁宗皇帝 此一殿與本朝實  
錄其異今亦存之

藍方字元道亳州父老言自兒童時見先生狀兒迄  
今如一先生髮委地黑光可愛肌若截膏眉目疎秀  
唇若積朱齒如排玉舉動温厚接物以和大小皆得  
其歡心時人呼爲笑先生也或遊旗亭遇廢民於  
道路探懷出錢盈掬遺之頗好施藥軫救疾苦  
七廟聞先生之名特賜先生上殿賜坐及茶館先生



於芳林園告去 帝賜號南岳養素先生先生乃桂  
南岳招仙觀是時學士賈昌朝贈先生詩云聖澤濃  
沾隱逸身道裝衣宜用葛爲巾祝融峰下醉明月湘水  
源頭釣錦鱗曾見海桃三結子不知仙豆幾回春他  
年我若功成去願作雲橋跪禮人先生獨宿閣上一  
夕與人言詎侍者窺牖望之但見紅光滿室明日客  
詢之先生曰吾師劉道君行雨過此留話少刻先生  
一日沐浴召侍者謂之曰吾今一百七十二歲安可  
復願先生位號但不欲拒聖君之意今當去矣乃奄  
然先生多游西川亦來湖湘今人時復見之

土靈輿晉陵人幼自廬阜庵居後遷南岳中宮修真  
煉行一紀道成復朱陵之東旦暮朝斗祈感上真而  
後昇舉今宮前有片石其文細如磨龍者昔真人朝  
斗之石也本宮舊有田地數頃爲別宮所佃景德乙  
亥年正月樞密學士富春公孫沔爲御史 土因問  
事忤 旨貶永州市征仲秋抵宮下十月十八日就  
枕酣寐夢遊清都觀其觀數軒竹樹蕭疎潔酒可愛  
有衣冠四人中有峭峻端秀微有鬚黃衣道士服頂  
紗巾前揖公曰賦壽其遠恩命將至矣某有田疇乃  
衡山邑君之部中也幸惟願屬之公時在夢中心自

惟始被遣左官何遽有恩典此喜術士妄言也道士  
曰何不相信之良久曰足下心曾問有誌大如錢公  
惟默未嘗有試退手袖中捫其所如其說道士曰則  
向之言不誣矣公益謝焉及准而退又連呼之公回  
眄間復言曰某姓王氏幸記勿忘俄頃遂悟訝然風  
度眉宇歷然可記心目間未幾奉 詔移倅長沙十  
二月赴所官至衡岳觀禮星像目九仙宮左右別真  
仙四人王中者乃夢中所見顏兒暗符而衣冠則異  
因觀其傳記且曰中尊姓王始覺其姓與夢中所說  
契矣公雖訪其本觀所在且撰曰受暑迫於期今已遂  
不及往明年孟夏刺史當奉 詔禱岳以疾不克行  
公寔代往至昭潭晝寢舟中忽如聞空中有語二移  
命將至所禱之事竟不爲理何也忽然四顧無一人自  
呼舟中後使皆自舟後至者索其語言之人悉無得  
爲公思豈九仙未往有是異也翌日至其岳祀車輿  
詣觀中見古屋塑像位於中者榜曰王靈輿真人其  
顏狀衣巾乃夢中所見無毫髮之差公執香再拜感  
歎久之遂與縣官推之逾年果得若干田土屬隣觀  
歲收地利因而申明勸還舊管集賢章公岷作篆刻  
之石記之并張覲奏復宮額內一記八分書存焉又

觀之西北五里有崑一所深下平坦三四丈是  
國家昔日投金龍之所深下透雲密峯斷石源傳云  
前洞是朱陵洞天之東門也中洞後洞在靈境之西  
亦洞天之便門也

陳良卿景祐四年自永州隨鄉書赴部試十月至長  
沙夢一人引入一巨艦中見一道士自稱青精先生  
與之談論辭語高古謂陳曰吾已薦子於堯爲直言  
極諫臣陳曰堯今何在曰見司南岳陳曰堯之古聖  
君也安可在公侯之列先生曰堯人間之帝也秉火  
德而王弃天下而位神乎南方子何疑焉陳辭以名  
官未立俟它日應乃許以十年爲期既悟甚惡之爲  
異夢錄以自寬明年登甲第調官全州判官道出岳  
州南驛偶晝寢夢使者持檄來召遽驚寤喟曰豈堯  
命乎同行相勉以夢不足信復執書秩卧讀之晚食  
具呼之已逝

劉山甫隨侍官於嶺外北歸泊舟洞庭登岸見北方  
毗沙門天王廟祠因謁之見廟宇頽圯乃題云壞墻  
風雨幾經春草色盈庭一坐塵自是神仙無感慙盛  
衰何得却由人是夜夢神責曰我南岳神也汝何相  
侮俄而風濤大作舟幾覆悔謝撤去詩牌乃止

尚書郎李觀爲進士時遊南嶽過長沙飲旗亭中忽有負竹奩釘鉸具者謂曰子往南嶽謂我問養素先生十月懷胎如何出得觀至南嶽以語元道大驚曰真人眉間有白誌乎曰然是海蟾子也吾義聖胎以成患無以出之非斯人不足以成吾道今聲問相及而不得接吾之不過斯人命也

神宗朝章詈字隱之成都人自幼不羣天才卓異修舉業之暇精妙於易注太元經至九卷忽晝寢夢見楊子雲曰太元猶如一浮圖有十三汝注至九卷機豈易泄耶詈竟甚疑異之後略注至十卷進上

帝喜賜爵不受封爲冲退處士嘗與邵雍康節友善因遊廣漢金鴈橋見一童年十二聯句詩詈喜之拉同

歸更名經童詈常看黃庭經凡看罷童竊窺之一日有青衣童持書至詈接書以失書童詈觀書皮云南

嶽布衣真一子書至西州冲退處士處開及開但只一章詩云未遂山中吟時聞世上音笑言失真詮塵

穢濁神襟歸植南園芝點化北溟金千日勤耕耘自然生瑤琳詈因遊西溪偶濯足有異人李士寧訪之

詈遽云足濯西溪流去水李速應云手持南岳寄來詩詈驚而笑曰何以知之李云父矣李辭云吾先往

南嶽君宜早來自後李不復見經童忽一日告去嘗  
曰汝欲何往童曰先往南嶽候先生嘗曰汝何知之  
童曰父矣童坐亡逾月嘗別相知而尸解嘗嘗煉丹  
後服丹化如蛇蟬也今人時見之於南岳段願言吊  
之詩略云尸解去難尋空留一鼎金西州大隱沒北  
極少微沈又張賢良詩云西海從來鎮大名或聞蟬  
蛻弃遐齡青城已結神仙侶瑤君落俄沈處土星金鼎  
煉成真永藥玉堂傳授太元經平生是我深投分自  
愧無才與勒銘

川琬湘中人儀舟南沙夢二更引入南嶽廟內陞殿

王起接之曰知入京銓欲奉留在此亦與人世之

樂不殊琬曰名官未達且欲赴銓王曰如此則不敢  
奉歷也乃作詩送周琬曰住此既非樂捨此去何圖  
若問青氈事惟留一角書至京調中牟尉忽則病旅

中且慮不起作妻子書一角封畢而卒此一段與碑

殊今一兩碑之  
出洞微志

衡嶽泉禪師南人也名谷泉少聰敏性耐垢汚大言  
不遜流俗憎惡造汾陽昭禪師密使託南歸放浪相  
中與虎湫蛟穴爲伴因遊南嶽雲峯寺住頌讚岩又  
移芭蕉庵復遷寶真大書壁曰予此芭蕉庵幽古堆

雲處千般異境未暇數且看矮松三四樹寒來燒枯  
杉飢食大紫芋而今拋之去不知誰來住寶真庵最  
險絕處夜地坐祝融峯下有大蟒蟠繞之泉解衣帶  
縛其腰夜不見明日杖山策遍山尋之衣帶纏枯松  
上蓋松妖也又自後洞負一石像至南臺約數百斤  
衆僧驚駭莫知其來後洞僧亦不知其去因相傳云  
飛來羅漢嘗過衡山縣見屠者斫肉立其旁作可憐  
態指其肉又指其口屠問曰汝啞耶即肯首屠憐之  
割巨齧置鉢中泉喜出壑外發謝而去一市大笑而  
泉自若以杖荷大瓢來往山中人曰瓢中何物大道  
漿也自作偈曰我又誰管你誰是不管底着箇破紙  
襖一味工打睡金烏任東上玉兔從西墜榮辱何繫  
我興亡不相關一條拄杖一葫蘆閑走南山與北山  
醉卧山路間值大雪起作偈曰今朝甚好雪紛紛如  
秋月交殊不出頭普賢呈醜拙玄一奴名調古日令  
拾薪汲澗或呼對坐品石間贈之以偈我有山童名  
調古不誦經不禮祖能般楫拙禦冬寒隨分衣衫破  
不補會栽蔬能種芋千山萬山去無懼呵呵呵有甚

計處

張君猷爲湖南漕過南岳自肩輿中見路左一道觀

甚麗榜曰朱陵宮遙望其中有一羽衣立殿上君猷  
意欲下而從騎半已過明仁<sub>二</sub>經其地求朱陵宮無  
之父老云考近但有朱真人祠至其下乃前所見朱  
陵宮之處才小屋一二楹其變異如此

此一段與張繼言意同

異今亦存之

饒州妙果長老師立少年時行去至衡山福嚴寺方  
夏四月晚遊寺前兜率橋見潭下峭壁間有僧背負  
石而立師立夙聞人言此地有羅漢隱見不常且憶  
藏經有持地菩薩入石壁竦竦然敬視忽壁開尺許  
僧入其中復合無纖罅又旬日放參畢與同參二人

信步到寺後虎跑泉亭上天風倏起二僧欲歸師立  
獨少留二僧曰久知亭下多異師無庸留立方壯不  
以爲意俄亭西南角有扣柱者繼即伸手內向漸進  
不止時幾過五尺立戲之曰復能縮否應羞而漸退  
少頃又聞扣柱聲立曰若聖者邪當隱若山鬼即見  
形又一食久一手復出五指初大如椽漸小如顛女兒  
初生指狀立頗恐即下山

紹聖中宜春李觀宇臨賀有一叟曰陳非自羅浮山  
來觀延之因詰其年以五十歲話次因問呂真人叟  
曰昔見之於南岳陪<sub>二</sub>數日自云近遊巴陵見老木

精留一絕於白鶴寺壁臨別謂觀曰我一百二十六歲矣前日驟見不敢言懼見疑也今已別言之無害再復南嶽矣觀計此叟亦真人之流也

隱逸

皇甫名渙字致遠開封人也賦性閑淡有敏識卓見修舉業之暇尤妙於三玄知命不負學作黃冠在京東太一宮受業舉止狀義而不朋政和初朝廷興道學先生向化次年致試辟雍作魁 聖覽程文

金壇郎不就乞換自在公思野裝游歷尋訪於西洛遇至人馮野人得其道要後遊南岳棲凌虛臺會真

三十一

勝卷下

四十一

觀思真已 皇帝詔赴闕居太一宮高士寮後乞還山居汝水而坐亡

人有蔣風子者本邵陽之居民賦性愚直言無忌憚人事不入或有小疵不拘貴賤面而伸之周游南嶽見中嶺陡峻出意修之亦不知其宿食之所忽日有樵者憤青巾負薪而鬻之曰干辛苦而食用不給與子一粒藥吞之力可倍矣自此但飲酒水而已衣衫盡弃寒暑不問眾謂之曰風子常倒臥衢路雖勢位不能屈毒藥不能加虎狼無所損獨行自語人莫之測皆逆知人意逮今見之三十餘年浩然如故



近有皇甫坦者字履道西蜀人也賦性穎達立行清  
高道學兼該不類常輩通老莊之外尤精於術數嘗  
游岷峨訪天師治所遇唐朱真人得其元奧又常以  
氣術治人疾病又示以經字言人吉凶或波擊少剩  
或點畫草其人詰之則指東畫西說南道北禍福無  
不備矣迺遷謁平都歷荆渚過洞庭凡所到處遇其  
窮廢並蒙恩惠道行愈超聲流於朝紹興二十七年  
皇帝徵之赴闕及登對荅問稱 旨 主上深加  
禮待後乞還廬山庵於撥雲峯下以齋精神二十  
八年秋太上皇復下詔命 御制表詔書曰先生清

勝集下

四十二

標孤映寄迹物外糝糠塵俗嘯詠煙霞信可樂也去  
秋爲別俯仰周歲興懷晤言馳神緬邈討青城會友  
於元覽白雲遂無心於帝鄉也秋涼甚邇不知何日  
可相見願早踐言則騎鯨御炁冷然無難行且湘雲  
橫素桂子吹香燕館超然下風問道虛懷結想久矣  
專此爲問殘暑在近益保清虛後令先生降香於南  
岳隆興改元 太上皇退居德壽宮又下詔徵先生  
每問道要皆稱 旨復令先生降香於南嶽兼賜

御書黃庭道德陰符三經 御製詔書曰自退處別

宮日以頤神養志爲事思見風采款親道話幸早命

駕少同閑適專信奉速用伸至懷 上又令書院待  
詔寫先生神 上親贊曰皇甫高士眉宇列仙以道  
興世就計其年孤鶴在野白雲行天掀髯一笑合乎  
自然

右此一段亦教門之盛事故全錄之大抵探幽蹟  
隱負步游方尋師訪道須誠心格志柔外寬中者  
凡所會遇無不潛符則知至道果在我也道果在  
我外度南宮不亦宜乎故前所謂欲外南宮先度  
朱陵世諺云不遊南岳陰簿不削信不誣矣今則  
逮至我宋運值昌朝異人高僧隱士接踵而棲者  
亦不減於古矣

叙古跋

今按真誥云名山五嶽中學道者數百萬人今年有  
得道昇天者人名如別年年月月皆有去者如此不  
可悉紀今爲疏一年之得道人耳有不樂上昇仙而  
長在五嶽名山者亦不可稱數或爲仙官使掌名山  
者亦復有數千

又按司馬天師云南嶽祠宇庵嵒僅三百餘所超越  
於漢武之朝盛隆在唐皇之代他山無可擬者豈不  
以萬古靈蹤千真遺化併協壬辰之運悉同黃帝之

作詩云野鵲灘西一棹孤

月光遙接洞庭湖堪憎回鴈峯前過切斷家山一字  
無近自五季之後山頗岑寂今直昌朝大道興隆  
就寒棲而樂淡泊者往往居之其諸名山亦復如是  
豈非道化所洽將返純古乎每值三春四方遊禮者  
甚衆近歲道會愈盛祥應頻彰至於冠蓋星軺之士  
皆降屈於麻衣紙襖之流參問元微搜訪高上於一  
言半句似有感通如在汾水之陽而喪天下豈非真  
仙默示道化所及而至於此哉

南嶽總勝集卷下



南嶽總勝集卷下

南嶽總勝集卷下

就寒復而樂涼有在在居之者南名山亦復如是  
豈非造化乃合將以爲百年每植三春四方遊禮者  
甚衆近歲道者亦多於此處則至公冠蓋甚夥至  
皆降屐於雲不紙樓之遠來問元微搜訪而上於一  
言半句似有悟道如在汾水之陽而覺天下莫其  
仙然不道化所及而至於此哉

南嶽總勝集卷下

書名 南嶽總勝集(全三冊)  
著者 [宋]陳田夫 撰

出版 北京圖書館出版社(100034 北京市西城區文津街七號)

Tel:(010)66126153 Fax:(010)66174391

E-mail:Blstixb@public1.nc.gov.cn

Website:www.nlcpress.com

造紙 華寶齋  
印刷 杭州富陽古籍印刷廠

開本 八

印張 三十五.二五

版次 二〇〇二年十月第一版第一次印刷

印數 一—五〇〇

書號 ISBN 7-5013-1985-5/K·447

圖書在版編目(CIP)數據

南嶽總勝集/[宋]陳田夫撰.—北京:北京圖書館出版社,2002.10

(中華再造善本)

ISBN 7-5013-1985-5

I.南… II.陳… III.衡山—簡介 IV.K928.3

中國版本圖書館CIP數據核字(2002)第078874號

ISBN 7-5013-1985-5



9 787501 319855 >

書名 ISBN 7-5013-1985-5/K·447

冊數 三冊

版次 二〇〇二年十月第一版 第一次印刷

印數 一—五〇〇

冊數 八

印刷 杭州富陽古籍印刷廠

造紙 華寶齋

Website:www.nlcpress.com

E-mail:Blstixb@public1.nc.gov.cn

Tel:(010)66126153 Fax:(010)66174391

出版 北京圖書館出版社(100034 北京市西城區文津街七號)



9 787501 319855 >

